

卷之五  
戊申孟秋鐫

衛輝府志

本署藏板

續編府志目錄

三製卷首

圖圖卷一

卷二

卷三

星社第三

卷四 形勢附 祥異附

古蹟第四

新編府志 目錄

卷五

地理第五

卷六

山川

卷七

遊樂

河防

卷八

里社

鄉莊附

市集附

對稱第六

卷九

卷十

城池

公署

學宮

書院

學田附

倉庫

卷十一

調定

水

火

驛站

兵防

增補志八

卷十二

職官一

卷十三

職官二

卷十四

職官三

卷十五

職官四

卷十六

職官五

田賦志九

卷十七

則壤 成賦 雜稅 鹽引

戶口志十

卷十八



風俗志十一

卷十九

風俗 方言

食貨志十二

卷二十

祠祀志十三

卷二十一

學校志十四

卷二十二

選舉志十五

卷二十三

十四

卷二十四

生下

卷二十五

進士 武舉 武職 廢襲 封贈

卷二十六

人物第十六

蹟 賢哲 儒林 道學 忠節

卷二十七

名宦上

卷二十八

名宦下

卷二十九

政績

卷三十

名臣

卷三十一

文苑 武職 方輿 耆老

卷三十二

卷三十三

孝義一

卷三十四

孝義二

卷三十五

隱逸 流寓

卷三十六

列女上

卷三十七

列女下

藝文第十七

卷三十八

詔 制 表 疏

卷三十九

贊 賦 議 辯

卷四十七

賦

卷四十一

歌 詩 謠 辭

卷四十二

碑

碑

碑

碑

碑

卷四十三

碑止

卷四十四

碑下

卷四十五

記一

卷四十六

記二

卷四十七

記三

卷四十八

記四

卷四十九

傳一

卷五十

傳二

卷五十一

碑道碑

諫

祭文

卷五十二

墓表

墓誌銘

序錄第十八

卷五十三

雜錄

卷末

姓氏

舊跋

雜說

人物志

聖蹟

廟

孔子魯人年五十五爲魯司寇齊人歸女樂季桓子受之  
如又不得致黜孔子遂行適衛時周敬王二十三年衛靈公

如又不得致黜孔子遂行適衛時周敬王二十三年衛靈公

孟子作顏雝由

靈公問孔子居魯得祿

幾何對曰奉粟六萬衛人亦致粟六萬居頃之或譖孔子

靈公使公孫余假一出入

索隱曰謂以兵仗出入以脅夫子也

孔子恐蒞

罪焉居十月去衛將適陳過匡匡人圍之以爲魯之陽尚

圍之五日弟子懼孔子獲從者爲臣尋武子於衛然後得  
去去卽過蒲月餘復還衛主邊伯玉家靈公夫人南子使  
人謂孔子曰四方之君子不辱欲與寡君爲兄弟者必見  
寡小君寡小君願見孔子辭謝不得已而見之夫人在絺

帷中孔子入門北面稽首夫人自帷中再拜環珮玉聲璆

然孔子曰吾鄉爲弗見見之禮答焉

有矢子路之語

居衛月餘靈

公與夫人同車宦者雍渠參乘出使孔子爲次乘招搖市

過之

有未見好德之語

於是醜之去衛過曹適宋及鄭至陳居三

月復反於衛靈公聞孔子來喜迎諸郊

孟子謂孔子於衛靈公有際可之佳

然老怠於政不能用

有三年有成之語

子擊磬有荷蕢而過門者

曰有心哉擊磬乎

論語既不用將西身起簡子三九

鳴犢舜華之死而反又主邁伯玉家他日靈公問陳不對

有姐豆嘗闢軍旅未學之語

明日與孔子語見蜚鴈仰視之色不在孔

子遂行復如陳明年自陳如蔡及葉至楚又反乎衛時靈公已卒衛君輒父蒯聵不得立在外諸侯數以爲讓而孔

子弟子多仕於衛衛君欲得孔子爲政子路曰衛君待子

而爲政子將奚先子曰必也正名乎

詳見論語又有魯衛兄弟及答子貢夷齊

之居魯凡四年

孟子謂孔子於衛孝公有公養之仕朱註學公春秋史記皆無之疑出公輒也

孔文子將攻太叔疾問策於孔子辭不對命載而行曰烏

能毒木木豈能毒鳥乎會季康子以幣迎孔子孔子歸魯



由是訂禮正樂刪詩序書贊易因史記作春秋千載下咸

折衷焉

史記孔子世家

賢哲

殷

微子

微國子爵

汲人名啟帝乙長子紂庶兄紂淫亂於政微子

數諫不聽欲死之及去未能自決謀於箕子比干至比干

諫而死微子曰父子有骨肉而臣主以義屬故父有過子

三諫不聽則號而隨之人臣三諫不聽則其義可以去矣

遂行武王既克殷復其位如故周公承成王命誅武庚祿

父乃命微子代殷後奉其先祀作微子之命以申之國於

宋

世家

箕子

箕國子爵

汲人名胥餘紂諸父紂始爲象箸箕子嘆曰彼

爲象箸必爲玉杯玉杯不已則必思遠方珍怪之物而御

之矣與馬宮室之漸自此始不可振也其後紂果爲淫佚

箕子諫不聽或曰可以去矣箕子曰爲人臣諫不聽而去

是彰君之惡而自說於民吾不忍爲也乃被髮佯狂而爲

奴紂囚之武王旣克殷釋其囚訪問以天道箕子以洪範

陳之箕子不忍周之釋走之朝鮮武王聞之因以朝鮮封

之而不臣也其後箕子朝周過故殷墟感宮室毀壞生禾

黍心竊傷焉欲哭則不可欲泣爲其近婦人乃作麥秀之

歌殷民間之皆流涕

史記列傳

商容衛人殷之賢者紂棄不用隱於太行武王既克商命  
爲三公容固辭不受及卒武王表其閭

汲縣志

周

太公望呂尚汲人少窮困敏而智老而屠牛朝歌貨於棘  
津避紂居東海之濱聞文王善養老遷於渭濱隱漁釣文  
王將出獵卜之曰所獲非龍非虜

音摛  
神獸

非熊非羆非虎非

貔所獲霸王之輔於是文王乃齋三日田於渭陽卒見大

大悅曰自吾先君太公曰當有聖人適周周以興子真

也耶晉太公望子久矣故號之曰太公望載與居歸立爲

授丹書之戒封於齊都營邱太公雖封留爲太師卒葬於  
衛所著有陰符鈔錄一卷陰謀三十六卷金匱二卷六韜

六卷凡二百三十七篇子孫世祿於齊

史記齊世家

石碯衛人爲大夫莊公嬖人子州吁有寵而好兵公弗禁  
碯諫弗聽後州吁弑桓公碯之子厚與之遊從入陳碯使  
人告於陳曰此二人者實弑寡君請卽圖之陳人執之碯  
使右宰醜殺州吁於濮使獮羊肩殺厚於陳君子曰石碯  
純臣也惡州吁而厚與焉大義滅親其是之謂乎

左傳

甯速衛人卽莊子也仕衛爲正卿狄滅衛殺懿公速乃立

戴公申以廬於漕戴公立數日卒復立其弟熒是爲文公  
遷於楚邱君子曰不殄康叔之祀莊子之力也

汲縣志

石祈子衛人爲大夫時宋猛獲出奔衛宋人請之衛人欲  
勿與祈子曰不可天下之惡一也惡於宋而保於我保之  
何補得一夫而失一國與惡而棄好非謀也衛人遂歸獲

初石駘仲

駘仲衛大夫

卒有庶子六人下所以爲後者曰沐浴

佩玉則兆五人者皆沐浴佩玉石祈子曰孰有執親之喪  
而沐浴佩玉者乎不沐浴佩玉石祈子兆衛人以龜爲有

知也

左傳檀弓

甯戚衛人家貧不遇欲于齊桓公窮困無以自進於是爲

商放貨車以通利事者力其...  
辟貨車者執火甚盛從者甚衆甯戚飯牛於車下墜桓公  
而悲擊牛角而歌桓公聞之撫其僕之手曰異哉此歌者  
非常人也命後車載之甯戚見說桓公以合境內明日復  
見說桓公以爲天下桓公大說將任之羣臣爭之曰客衛

人去齊五百里不遠不若使人問之固賢人也任之未晚  
也桓公曰不然問之恐其有小惡忘人之大美此人主所  
以失天下之土地且人固難全權用其長者遂舉大用之  
管仲請立爲大司田後遷相國所著有相牛經一卷

汲縣志

甯俞衛人莊子子卽甯武子爲大夫當文公時晉文公出

亡過衛衛不禮焉及反國侵曹伐衛衛出成公以悅於晉  
衛侯出居襄牛武子與國人盟於苑濮衛侯反國又以殺  
叔武故爲元咺訟於晉晉執而歸之京師置諸深室武子  
職納橐籥焉晉使醫衍酖公武子貨醫使薄其酖卒保其  
君孔子稱之

左傳

子鮮名鱣衛獻公母弟素以賢行見信於國獻公見逐出  
奔齊寧喜當國素重子鮮乃聽其言復獻公獻公入而背  
其言殺寧喜子鮮口逐我者出納我者死賞罰無章何以  
沮勸君失其信而國無刑不亦難乎且鱣實使之遂出奔  
晉公使止之不可及河又止之鱣乃止使者而盟於河託

於木門不向盤區而半木門大夫觀之仕不可曰仕而廢  
事罪也從之昭吾所以出也吾不可以立於人之朝矣遂  
終身不仕

左傳

太叔儀卽文子衛人仕爲大夫孫林父之逐獻公文子守  
國獻公求復於甯喜許之文子曰甯叔視君不如奕棋奕  
者舉棋不定不勝其耦况置君而弗定乎必不免矣後公  
果殺喜公使人讓文子曰寡人淹恤在外二三子皆使寡  
人朝夕聞衛之言吾子獨不在寡人寡人怨矣對曰臣知  
罪矣敢忘其死乃行從近闕出公使止之他日公孫免餘  
有功公使爲卿辭曰太叔儀不貳能贊大事君其命之乃



使文子爲卿

左傳

公孫免餘衛人爲大夫獻公歸甯喜專政公患之公孫免  
餘請殺之乃與公孫無地公孫臣謀使攻甯氏弗克皆死  
之公曰臣也無罪父子死余矣免餘復攻甯氏殺甯喜及  
右宰穀尸諸朝公與免餘邑六十辭曰惟卿備百邑臣六  
十矣下有上祿亂也臣弗敢聞且甯氏惟多邑故死臣懼  
死之速及也公固與之受其半以爲少師

左傳

柳莊衛人爲太史初獻公自夷儀返於衛及郊將班邑於  
從者而後入柳莊曰如皆守社稷則孰執羈勒而從如皆  
從則孰守社稷君返其國而有私也毋乃不可乎弗果班

及寢疾獻公曰若疾革雖當祭必告及告公再拜稽首請於尸曰有臣柳莊也者非寡人之臣社稷之臣也聞之死請往不釋服而往遂以祿之與之邑襄氏與縣潘氏書而納諸棺曰世世萬子孫毋變也

檀弓

蘧伯玉名瑗衛人仕爲大夫爲人恭儉篤禮夜行過公門必下靈公嘗與夫人夜坐有車當闕無聲公謂夫人曰知車爲誰夫人曰必蘧伯玉也何以言之伯玉衛之篤禮者也夫禮下公門式路馬今車當闕無聲是下門也非伯玉誰能闕行而不廢禮公使問之果然行年五十而知四十九年之非行年六十而化孔子每至衛必主其家以君子

稱之家語

史魚名鱮字子魚衛人仕爲大夫公叔文子朝於靈公請  
公享於其家鱮曰子必禍矣子富而君貪文子曰然其若  
何鱮曰無害子能執臣禮猶可以免富而能臣必免於難  
戍也驥其亡乎鱮嘗諫靈公去彌子瑕而用蘧伯玉不從  
鱮病革命其子曰不能進蘧伯玉退彌子瑕是吾爲臣不  
能正君也生不能正其君則死無以成禮我死汝置屍牖  
下其子從之靈公往弔疑而問也其子述其言以對公愕  
然曰是寡人之過也於是進伯玉而退子瑕孔子聞之曰  
占之諫者死則已矣未有如史魚死而屍諫忠感其君者

也可不謂直乎

家語

公子荆衛人仕爲大夫孔子稱其善居室吳季札以爲君

子人也

論語左傳

公叔文子卽公孫拔也一名發衛人仕爲大夫爲人廉靜  
詩人稱其不言不笑不取史鱗謂其富而能臣其卒也子  
成請諡於君曰日月有時將葬矣請所以易其名者君曰  
昔者衛國凶飢夫子爲粥與國之餓者是不亦惠乎衛國  
有難夫子以其死衛寡人不亦貞乎夫子聽衛國之政修  
其班制以與四鄰交衛國之社稷不辱不亦文乎宜諡曰  
文子嘗薦其家臣俱爲大夫與同升諸公孔子稱其

可以爲文

檀弓

北宮文子名佗衛人爲大夫相衛侯如楚見令尹圍之威儀言於公曰令尹似君矣將有他志雖獲其志不能終也公曰何以知之對曰詩云敬慎威儀維民之則令尹無威儀民無則焉民無所則以在民上不可以終公曰善其後果如文子之言

左傳

孔圉衛人爲大夫治賓客交睦鄰國衛賴以不喪卒諡文子

汲縣志

端木賜字子貢衛人孔子弟子以言語稱性明敏事多億中其學由博而入約晚年得聞性道一貫之傳嘗宰信陽

相魯衛卒終於齊世傳越絕書十六卷謂爲所著唐贈黎

侯宋封黎公

濟縣志

卜商字子夏衛人孔子弟子篤信謹守以文學稱六經刪述之後詩易俱傳自子夏徐防謂詩書禮樂定自孔子發明章句始於子夏詩則小序儀禮則有喪服記又夫子嘗曰春秋屬商其後公羊穀梁皆其門人夫子旣沒退老西河專門教授爲魏文侯師唐贈魏侯宋封魏公

汲縣志

高柴字子羔衛人孔子弟子長不盈五尺爲人篤學有法事孔子未嘗越禮是不履影啟蟄不殺方長不折執親之喪泣血三年未嘗見齒爲成宰有兄死而不爲衰者聞子

羔將至遂爲衰成人曰蠶則績而蟹有匡范則冠而蟬有  
綏兒則死而子羔爲之衰子羔葬其妻犯人之承申詳以  
告曰請庚之子羔曰孟氏不以是罪子朋友不以是棄子  
以吾爲邑長於斯也買道而葬後難繼也爲衛士師別人  
之足俄而衛有蒯聵之亂子羔逃之走郭門別者守門謂  
子羔曰彼有缺子羔曰君子不踰又曰彼有竇子羔曰君  
子不隧又曰於此有室子羔乃入焉旣而追者罷子羔將  
去謂別者曰吾不能虧主之法而別子之足今吾在難正  
子報怨之時而逃我者三何哉別者曰斷足固我之罪昔  
公之治臣以法君愀然不悅豈私臣哉天生君子其道固

然此臣之所以脫君也孔子聞之曰善哉爲吏其用法

也思仁恕則樹德加嚴暴則樹怨公以行之其柴乎蓋其

爲人智不足而厚有餘故夫子稱之曰柴也愚唐贈共伯

宋封共城侯二子伯虎叔豺

家語  
檀弓

公孫龍字子石衛人或作楚人孔子弟子後封枝江侯

鄭康

成曰楚人舊志有齊田常欲爲亂將移兵伐魯孔子欲止  
之子石請行孔子弗許數語考左傳齊之伐魯因悼公怒

季姬而非田常其爲史記之誤無疑故削去末又有著書  
六篇號公孫龍子二語按史記荀卿列傳中公孫龍子多

堅白同異之論且已明著爲趙人又謂其與孔子七世孫  
穿會其爲六國時辨士而非孔子弟子無疑不得因譌史

者之誤混而爲一  
致滋後人之惑也

琴牢字子開一名張一字子張衛人孔子弟子與子桑戶



孟之反爲友唐贈朔陵伯宋封平陽侯

奚容蒧字子暫衛人孔子弟子唐贈下邳伯宋封濟陽侯  
句井疆字子孟衛人孔子弟子唐贈淇陽伯宋封滎陽侯  
狄黑字暫衛人孔子弟子唐贈臨濟伯宋封林慮侯

榮旂字子祺衛人孔子弟子唐贈雩婁伯宋封厭次侯

廉潔字子庸衛人孔子弟子唐贈莒父伯宋封胙城侯

上以  
才賢俱從祀  
孔子廟庭

顏雝由一名濁鄒衛人仕爲大夫孔子至衛嘗主於其家  
因受業焉

哀駘它衛人貌惡而有名魯哀公召而觀之果岐異授以

國政期月而政教大行仲尼聞之曰是必才全而德不形者也

李音衛人子思薦於衛君稱其賢而有實

衛文子衛人

史逸其名

仕衛悼公爲大夫賢而有智慮無遺算

昔智伯欲伐衛遺衛君野馬四百璧一衛君大說羣臣皆

賀南文子有憂色衛君曰大國大懼而子有憂色何文子

曰無功之賞無力之禮不可不察也野馬四百璧一此小

國之禮而大國致之君其圖之衛君以其言告邊境智伯

果起兵襲衛至境而反曰衛有賢人先知吾謀也智伯又

欲襲衛乃佯亡其太子使奔衛南文子曰太子顏爲君子

也甚愛而有寵非有人罪而亡必有故使人迎之於境曰  
車過五乘慎勿納也習伯聞之乃止 以上俱漢縣志

端木叔子貢之裔也藉其先資家累萬金不治世故行年  
六十盡散其家於宗族國人及病無藥石之儲死無槨葬  
之壽國人憐焉返其財於子孫段干生稱之曰端木叔達  
人也 人祀鄉賢  
見清縣志

甯越衛人躬耕甚勞嘗問於友曰何由免此苦也友曰勤  
學三十年可免越曰請人將食吾不食人將寢吾不寢如  
是十五年以當三十年可乎後果博通羣籍齊宣王師之

并爲上卿

列統志

宋

邵雍字堯夫幼從父右徙居共城卜隱蘇門山下結廬百泉之上時居毋憂布裘蔬食躬糞以養父堅志苦學共令李挺之叩門來訪勞苦之與語物理性命之學雍再拜願受業於是先示以陸淳春秋後授河洛圖書伏羲八卦六十四卦圖象雍益覃思刻勵冬不爐夏不扇夜不就席者數年安貧樂道自云未嘗攢眉名所居爲安樂窩少自雄其才慷慨有大志旣學力慕高遠謂先王之事爲必可致及其學益久德益進玩心高明觀天地之運化陰陽之消長以達乎萬物之變然後頽然其順浩然其歸一日嘆曰昔

人尙友千古而吾未嘗及四方遠可已乎於是走吳適楚  
過齊魯客梁晉久之而歸曰道其在是矣蓋始有定居之  
意既遷於洛舉遺逸試將作主簿後又以爲潁州團練推  
官皆辭疾不赴先生於書無所不讀著皇極經世書六十  
卷晚尤善爲詩平易而造於理有擊壤集二十卷自爲之  
序刊行於世熙寧十年卒於洛城寢舍贈秘書省著作郎  
謚曰康節先生咸淳元年詔從祀孔子廟庭明崇禎間設  
奉祀生員典其祀世世相繼設有祭田子孫世守焉

宋史  
道學

偶  
流寓

儒林

一  
魏

李構字祖基黎陽人祖平魏尙書僕射構少以方正見稱  
釋褐開府參軍累遷譙州刺史從父弟庶魏大司農諸子  
方雅好學風規檢飭甚有家風

潯縣志

梁

江祿字彥遐幼篤學工書善琴位太子洗馬湘東王錄事  
參軍以証規王王深誠焉後爲唐侯相卒子徽有文采

南史

列傳

宋

江端友字子我以元祐黨禁摧挫善類憤鬱隱居後吳元

中薦授承務郎賜進士改諸王教授上書辨宣仁太后謗  
誣遭黜渡江居桐江鷓鴣源人號七里先生有自然菴集

留嚴陵郡

見封邱志

崔頤正封邱人與弟偃仝並舉進士初爲高密尉以孔維  
薦爲國學直講刊正諸經音疏遷博士真宗時日召頤正  
於苑中說尚書大禹謨賜以牙緋甚優禮之

入鄉賢祠  
宋史儒林傳

崔偃仝與兄頤正並舉進士自連江尉入國子監李至奏  
爲直講真宗謁國學召說尚書賜緋寵異甚厚所著有帝

王手鑑十卷

入鄉賢祠

元

趙澄共城人德性純右動遵禮度有儒行仕終衛州教授

見輝縣志

陶師淵有文行至元間官衛輝路學教授

見獲嘉志

劉子仁從許謙學魯齋有詩曰聰明羨劉子憤勇入吾門

仕爲絳縣令

見滑縣志

明

楊鏞汲人性敏好學修身慎行洪武中由大學生累官

東左布政使

舊府志

謝祿嘉靖間貢任訓導性孝友敦行誼學有淵源同時有謝祉者亦以貢授忻州學正端方廉介著有通鑑撮要孝



性二歌均有裨於後學二人特爲鄉評所推重

汲縣志

何濟字芳林隆慶年貢行敦孝友學問淵深從之遊者甚衆選授新城教諭後官南和有去思碑

汲縣志

郭從可號黃岡新鄉人篤學力行性孝友敦儉素由歲貢任會寧范縣雨色訓導正己誨人學有次第整繕官墻享禮明備士子爲之歌曰崇祀興學誠敬毋荒事神治人作法不涼年六十致仕歸好海內知多士日治具待賓客惟恐不至人以鄭當時擬之邑令屏騶造門敦請纂修邑志以子庭梧貴晉封南京通政使司通政使祀鄉賢

張臻字景福新鄉人性剛方七歲能文家故貧爲諸生時同舍生

王統輩憐其無衣爲製一襲遺之臻辭不受督學王公慕  
其才行延訓于王公遷秩轉薦臻臻拂然曰事宜得體安  
有以師餽人者投幣且去諸公子環跪自咎乃已己酉舉  
於鄉歷遼州守以養咎上官改教稍遷衡水令大璫馮某  
虐焰方熾前令多善事之臻不少屈率以守正不阿罷歸  
居數年沒祀鄉賢

郭汝靖新鄉人瑄之孫以歲貢任教授學優行飭造就後  
其多阻長子令未任所著有敬齋集

資文字叔齊新鄉人性資穎異好學不倦萬歷間以歲  
貢任陽武訓導歷許州學正鳳陽府教授老於經師學行

篤一壽幾幾者多所成就生平行立精進皆有法度以  
平友善屬有司表績以爲名實觀其郭宗精高義其對業  
身修文亦著才名楚直有古人之風

趙時英字家望新鄉人方正溫醇性無恙教子弟親躬  
行先之生平於書史外無他慕從遊如周一棟義精實皆  
得其傳嘗夜夢空中垂絳綬題曰天賜麟兒曾爲仁德次  
自生孫因名曰壽仁字傳德已登科成進士在吏部令上

俱見新  
鄉縣志

主衡字平之國子生先名道慈試引見上爲之更名衡洪

武初授翰林院侍講學士

輝縣志

李文泰字時雍成化丁酉科舉人任長清縣教諭進就人  
才卓有聲譽宏治六年陞翰林院待詔宏治十一年覃恩  
勅授修職佐郎宏治十六年陞樂府府判官加奉議大夫

見輝

尚通獲嘉人儀度閎偉才識超人秩秩中由太學生歷官  
刑部郎中永樂中陞四川左右布政使

若愚字鉉仲獲嘉人少孤力學成進士授行人司事祖  
傳誠孝待伯仲友恭徧交海內名賢以忠義相勉勵生平  
學問本於心性博覽經傳皆得其精

獲嘉志

孫養素淇縣人賦質端謹處世和惠豪強侵犯輒不校有

同堂坊兼重輩三五家俱以少孤爲豪強所凌素爲極力  
調停家業如故竟無分毫私世傳麟經工苦勤修歷試常  
第一四方負笈就學成業者數十人以明經貢於太學卒

祀鄉賢

洪縣志

王宜淇縣人自幼攻書過目成誦舉遊邑庠閉戶潛修  
卓有聲譽後舉於鄉成進士官至四川左布政使

洪縣志

李恭淇縣人天資穎秀孝行醇篤誦讀定省之外無所事  
景泰丙子科舉於鄉成化己丑得成進士歷官戶部郎中

見淇

縣志

李珉淇縣人早歲遊庠文學丰采超於儕輩成化丁酉科

登鄉薦旋成進士歷官監察御史

淇縣志

周密字約之號津陽由舉人授大名府通判平生重厚少  
文藩官甫踰年告歸居鄉不立町畦不植厚產著經書講  
意士類宗之清白之風淡如也祀鄉賢

李啟東字伯升號場谷以增廣生累贈吏部尙書公明慧  
剛正誠確仁慈取予一介不苟祀鄉賢

申志深字子淵攻苦力學晝夜不輟三十年如一日憑几  
之痕幾穿不以舉業學術分爲二事著有詩習語錄

以上延津志

張理胙城人性純厚勤學墜師親友譽人惟尙謙卑洪武  
中以貢入太學累官江西左布政使

曹府志

侯萬里官教諭著有文集六卷樂府一卷行世

李鯨重厚安雅司教最爲諸士所愛行誼稱於鄉里邑侯甚禮重之

王价官學正制行淳潔問學該博職教得士心致政歸諸生思之每具禮遣問仕者過其廬必造焉卒之日憲副張大業自德州來吊載德州志

邢鏗字文愛有知人鑒作論洪洞識韓文於童子中拔而教之卒爲名臣既知邱縣人稱廉平致政歸適文遷河南憲長有犯者以千金丐公八行書弗與問居詠歌絕口不言市朝事邑邦侯被數簿行語人曰邢先生君子也某在

此三年無一字相干其後有邢三省天性至孝宗黨無間  
言

鄒越字世昌性純良仁愛好古書史多成誦歲荒出粟賑  
貧乏掩蔽骼長子魯字東瞻樸厚恭慎有父風歷官學正  
巡察姜公繼曾爲諸生時公器重之及按漕造公廬執師  
生禮嘗曰鄒先生君子也第四子泰字景益領鄉薦爲樂  
陵令

邢登雲字秀岩其父三省積德有素鄉里稱爲長者登雲  
愛誨脩至鍵戶讀書由舉人歷官郡縣至苑馬寺卿遊宦  
二十餘年門庭蕭然無異素士每升其座如松風之肅生



平不取不與不侮不畏靖身守道予告歸田鄉里稱爲善人

李道焯早年食貧篝燈不給燃香聯書所遺書纍纍有燒痕領鄉薦第六邑侯時時過廬清話焯語不及私爲國子助教有時相子執經北面將引入幕焯雅不欲遂出倅漢中調大同督理馬市却常例數千金未幾乞休

馬騰龍字蘇霖孤介好學三中副車晚以明經仕儀封廣文講學課士布義行仁聲滿梁衛間一時藩王上臺罔不馳幣敬禮遇闖變守土者棄城去乃嬰城固守誓與城殉賊來聞公獨守輒解去撫按交章薦將有不次之用而公

以年老嘔血卒市罷巷哭人比之鄭子產子秉德能讀父

書亦知名士

以上俱見  
濬縣志

翟生光字泰昂生而穎異成童卽入庠弱冠登賢書刻志  
誦讀於書無所不究上春官二十餘次不第年八旬耳目  
聰明猶朝夕佔俾手不釋卷卒之日誦歸去來辭而沒

濬縣

舊志

王璉字荆玉爲新野令有守不苛時劉瑾竊權貪賄蔑法  
璉罷歸瑾敗遇例起官有司促之璉曰世路嶮巇豈若優  
遊林泉授生徒以終餘年乎竟不就

王鹽字濟美有文學性謙抑劼以矩度無少長無苟容後

任代府教授匡輔以道王一日曰先生貧可作封殖計鹽  
曰臣若謀利不入雲中矣王甚重之

閻敏政字和衷歲貢授寧晉訓導教士有法任二載餘卽  
請休致生平不妄言笑舉動不苟鄉評推重子禧旣貴自

處無異寒士

以上見滑縣志

李頤聰敏嗜學事兄嫂如父母謙遜溫和與物無爭任陝  
西醴泉縣訓導陞本學教諭誨人不倦多士懷之

考城志

張應節任山東兗州府訓導再任常清縣訓導陞陝西宜  
君教諭德性純粹舉動剛方深得師範

考城志

郭奎天分揚王郭子儀後中萬曆乙卯科國初授溫州

府通判致政歸閉戶著書有書二十卷未及刊而卒

城志

國朝

劉源潔字一六新鄉人天性孝友篤實醇正嗜古文辭儼然有道風範辛丑成進士潛心經學與孫徵君鍾元究談性命之旨後授富陽令引疾致仕一意教授生徒前後出其門者近百人皆以疏通知遠教之年近大耋猶手自編摩不輟多手訂以教一是至七十八歲正襟危坐口占

二絕而卒所著有語錄日譜等書

新鄉志

劉源淵字子靜源潔之弟通經學重然諾大樹壇坫應和日廣時辨狂狷中行說以狂狷自勵而嫉世之爲鄉愿者

故人殷祚蕃垂危引子元福屬之源淵視如已子飲食教誨不遺餘力其後元福官翰林源淵乃設瓣香告祚蕃墓邑令重之扁其居曰儒宗高誼以歲貢任新鄭訓導卒於齋屏囊橐一空羣弟子輿櫬以歸

新鄉志

殷元福新鄉人祚蕃子誕時父夢神語云當賜君五福兒因命名字夢五年娶秀爽讀書十行俱下七歲通小學近思錄十一歲讀五經大旨父卒家徒壁立嘗借故書依母紡車前復讀光終夜朗誦爲文力追先正不逐時趨年二十補弟子員舌耕陽武問業躋至康熙癸酉鄉舉第一明年成進士選翰林副總裁之柳城做雲岩爲治重

農課士於蠻烟蠻雨中行鄉飲及賓興禮劍纂邑志四載  
以艱歸補江南武進吏胥慢易書生漆牘嘗試元福咄嗟  
裁決咸股栗焉兩江有神明之頌撫無錫象謁東林講堂  
拔識名宿鄒升恒輩後解組高安相國朱軾方撫浙延主  
敷文書院明體達用一時呼小白鹿洞生平氣節自命設  
施本諸實踐精研大易詮發圖書太極之旨垂老不忍釋  
手古文學韓愈所著書有寓理集附史斷數十則詩出入  
唐宋大家其選得千餘首有侯鳴集知非草讀易草年六  
十四卒於家學者私諡曰文介先生元福艱於似續外孫  
彥俊初生試啼知異常兒因口占曰慧業應知是國華東

康有子撫靈虬平生懷抱憑誰說可似淵明紀孟嘉及俊  
長才敏多學元福狀錦手紀成帙

新肅志

郭迺熙字驤臣號鳳谷別號共陽居士生而穎異事親以  
孝聞讀書不屑制舉業從孫徵君先生遊手抄九經成帙  
徵君爲之序晚年尤嗜學以正心立品爲要孟莊別業有  
星聚堂湯潛菴先生爲之記李滋撰共陽居士傳

輝縣志

楊生輝字映斗順治戊子拔貢生迂古樸拙言笑不苟好  
讀書官山海關通判謹守禮法上官咸敬禮以爲今之古  
人未幾掛冠歸兩袖清風一經教子僻處山村隱然繫一

邑之望

輝縣

郭培貽輝縣人字燕若孝友性成文品兼優新輝兩邑後進多出其門人有貧乏者周之家產漸耗而中懷淡如也

最喜溫公事無不可對人言之語大書壁間以自勵

輝縣志

侯夢卜字康侯順治己亥進士性行謹愿學問精深仕爲

監利令未幾卒

潯縣志

張素志字心所生而穎異孝友慷慨教子施大十歲能文

登進士高第歷官刺史而手書誥誡惟以廉潔愛民盡職

無忝爲諄諄也施大蒙 覃恩宜受封不憚曰吾讀書一

生不能自博一第乃藉兒子成名乎後以明經貢於廷

而後受年七十餘卒

潯縣志



李象鑿字扶九端方孝友性嗜詩書爲諸生高等屢科不第課子授徒年八十猶誦讀不輟子五登賢書遊泮水咸有文名於世

濬縣志

郭可愛汾陽王郭子儀後學宗流洛孝友著聞經史諸書悉自手錄臨終令殉身壽八十七

昨城舊志

陳陞顯字君遜辛卯科舉人任淇縣教諭事父母以禮教子弟以法彙鐸作養士子成就甚衆著有四書全集講義子大廷輯鐸行世

王如奐字葵菴文行俱優尤多行善事息訟濟貧司訓伊陽邾龔金勤月課講學論文士林重之

王訖字如默居心恬退律身整嚴好讀書至老弗輟晚年  
德益進文士多出其門

伏士譽字從周耕讀事母耿介持身撫侄如子廣刻先輩

格言嘉誘後學其善端有足風者

以上見  
考城志

李廷棟字殿衡汲縣人從坦子博聞強識尤重敦行弱冠  
遊庠旋食餼試輒冠軍鄉闈數薦不售庚辰以歲薦任嵩

縣訓導壬午緣河務督催物料嵩縣山高路險經水冲决

苦於轉運廷棟據實上陳河南府十屬由是得免洽郡均

受其賜齎課諸生猶如子弟嘗謂之曰文辭藝也道德實

也願與諸生共勉之在嵩十餘載嵩士先後登鄉薦者乙

酉戌子辛卯諸科稱最盛中州士林咸相傾慕至今伊洛  
間猶頌美弗衰云戊戌以長子溥任浙江奉化縣知縣贈

文林郎季子猶龍丁酉科舉人鍵戶讀書克世其家

採訪事實

李廷楷字用九一字式遠汲縣人從正子篤學好讀書刻  
苦自奮究心經史旁及百家弱冠入邑庠試輒高等旋食  
餼生平尚義里黨婚喪竭力周之卽稱貸弗顧也晚歲嗜

義尤篤時人咸相欽重焉

採訪事實

趙士錦字綱尚汲縣人貢任睢州訓導和平正直毋敢干  
以私居恆手抄經史自娛尤喜誘掖後進因材造就獲雋  
者相繼會諸生與州富人構訟州守移學訊之富人恐許

贈千金士錦却弗顧力爲割白竟不直富人上官重其操  
值歲飢賑恤委令監放無絲毫染指賴以存活者數萬人

睢人德之至今猶頌美不忘尋陞汝州學正

採訪事實

孟治詩字化南汲縣廩生立品端方學問宏博爲諸生試  
輒冠軍家居授生徒勤講貫文名最著薦紳先生樂與遊

郡中知名士多出其門

採訪事實

李融字奕正廷棟次子英爽奇特力學不怠家故多藏書  
每有會心輒忘寢食賜冠遊庠自經史外莫不博覽議論  
風生援引古昔一時耆宿咸相驚歎隨父之任嵩陽學益

肆竟以刻苦致疾里黨無不惋惜

採訪事實

王脉遠淇縣人貢生幼嗜學開戶潛修不預外事求鐸陳  
留勤於課士一時文風丕振咸相推重

採訪事實

馮儒字宏齋淇縣人歲貢銓授寧陵訓導性敦厚好施予  
嘗爲人排難解紛鄉人德之家居教授生徒成名者數十  
人任寧陵日勤於訓課教諸生立品讀書絕不以事干縣  
令後解組歸紳士父老祖送郊外依依不忍別治家嚴整

有法子孫以爲世守云

採訪事實

紀泚字平遠淇縣人增生端方正直一生無苟且私曲事  
家甚寒安貧自守早完國課七十餘年差役不至其門足  
跡亦不履公門人有以橫逆來者涵容不報

弟忠信禮義廉恥爲訓不徒爲功名計而成就甚多餘亦

樸實老成不流匪僻一方奉爲師表焉

採訪事實

馮惟憲養嘉人少類吳七歲就塾日記數千言長工文辭  
初學昌黎文後得程朱全集喜誦之遂以理學自期立身  
制行遵爲規獲嘗同邑令吳公稱齡修獲嘉志平居硯田  
自給勤於訓迪年七十餘不懈受業成名者甚衆所著有

化經居詩文藏於家

採訪事實

王永健字力菴一字天成延津人增子性明敏有學識甲

子登鄉薦任柘城教諭造就士子整飭學宮無憾毫髮己  
亥秋緣河決督催周家口協濟麥石庚子總理疏通惠濟

河道公私兩便士民悅服以考最陞任南陽府學教授課士一如柘邑提調宛南書院佐山長丕振文風至今朱宛

兩地猶沐其化雨云

採訪事實

王絃字邁瀟號昭慶延津人給諫綬之弟乾隆丙戌進士經學湛深好獎進後學四方負笈來者成就家塾卒業山西喜聞命延至香山書院絃立條約十二訓勉勤懇一時知名士皆遊其門後省親歸生徒奔走百餘里相送年四十二卒士林惜之

採訪事實

道學

三國

毛玠字孝先平邱人少爲縣吏以清公稱漢獻帝時曹操以玠爲東曹掾與崔琰並典選舉其所舉用皆清正之士後還尚書僕射司馬溫公稱其拔敦實斥華僞進冲遜抑阿黨時吏潔於上俗移於下適天亢旱不雨操輒黥人面及人妻子爲奴玠曰使天不雨者此也或白操謂玠怨謗操怒收玠傅獄待中柏階等爲之陳理曰玠剛直忠公爲衆所憚不宜有此操令人釋玠免官卒於家

三國志

晉

成公簡字宗舒

晉書東郡人

家世二千石性樸素不求榮利潛

心味道罔有干其志者默識過人張茂先每言簡清靜比



楊子雲默識擬張安世官至太子中庶子散騎常侍

晉書列傳

張閎字子臺東郡人爲永寧太僕與杜恕善恕家戒嘗稱之曰張

子臺視之似鄙樸然其心中無物不知天地間何者爲美

何者爲好敦然似與陰陽合德者作人如此自可不富貴

患難從何來

晉書列傳

蔡克字子尼考城人少好學公亮守正行不合已雖富貴

不交也高平劉整恃財縱誕無所拘忌嘗與克同坐整慚

不自安後爲成都王穎記室初克未仕時河內山簡嘗以

今之正人稱之王衍聞克在選官曰山子正人之言驗於

矣克以剛故日弊遂絕不止後至河北爲及桑所害子

梁

江軻字伯倫考城人貞嚴有行宗人江概位至侍中性豪

侈惟見軻則敬憚焉

南史  
列傳

梁

林舍字虛白早舉進士爲大理評事年三十掛冠與蘇軾  
同年軾有書云先生熙朝及第壯歲休官以節志推之賢  
於淵明遠矣

輝縣志

王昭素有懿行爲鄉里所推重篤學不仕常聚徒教授一  
時名士皆師之鄉人爭訟不詣官府多就決之每市物隨

所言而還直未嘗較論高下市人相告曰王先生古道未  
可欺也嘗著易論二十三篇太祖聞之召至賜坐令講易  
問治世養心之術對曰治世莫如愛民養心莫如寡慾太  
祖書其言於屏拜國子博士以衰老辭賜茶藥及錢二十  
萬留月餘送歸年八十九卒祀鄉賢

宋史儒林傳

元

姚樞字公茂號雪齋其先柳城人後遷輝州遂爲輝人自  
幼力學讀書夜分不輟志期甚高北覲太宗甚重之賜錦  
衣金符爲燕京行臺郎中時牙魯瓦赤行臺雖事貨賂送

襄陽善家來輝復歸襄陽

堂讀書其間衣冠楚楚以道學自鳴嗚呼此其學百身之  
上近世樂天若將終身又汲汲以化民成俗爲心自版小  
學詣孟諸書傳之四方時許文正公衡聞公得伊洛性理  
之學盡室來輝相依以居世祖在潛邸以禮聘至敷陳治  
道數千言世祖奇其才使授太子經以爲太子太師不拜  
改大司農拜中書左丞昭文館大學士十三年罷昭文館  
拜翰林學士承旨卒於官壽七十八贈榮祿大夫少師謚  
文獻追號嘉猷程世舊學功臣太師開府儀同三司魯國  
公葬於輝子焯年十六世祖官以禮部郎中蓋異數也長  
居官忠厚清慎克紹先烈歷官中奉大夫河南北廉使陝

西行中書省參知政事卒贈推忠秉德佐治功臣光祿大夫河南江北等處行中書省平章政事柱國追封魯國文

忠公

元史  
列傳

姚燧字端甫號牧菴樞之從子生三歲而孤育於伯父樞  
謂燧蒙暗教督甚急燧不能堪楊奐馳書止之曰燧令器  
也長自有成何以急爲且許醮以女時許衡與樞講道蘇  
門燧年十二遂從之遊衡以國子祭酒教貴胄奏召舊弟  
子十二人燧自太原驛致館下燧年二十八爲奉土府文  
學提舉陝西四川中興等路學校遷翰林直學士奉詔修

世祖實錄拜江西行省參知政事仁宗居藩邸開宮新府

是年已七十。遣正字呂汝如。使手趨。燭爲太子賓客。未幾除承旨學士。尋拜太子少傅。武宗嘗諭燧。燧拜辭謝曰。昔臣先伯父樞嘗除是官。尙不敢拜。臣何敢受。授翰林學士。承旨知制誥兼修國史。又四年得告南歸。後召以病不赴。卒於家。年七十六。謚曰文懿。器識豪邁。由窮理致知。反躬實踐。爲世名儒。爲文闕肆。治豪而不宕。剛而不靡。春容盛大。有西漢風。宋末彫弊之習。爲之一變。蓋自延祐以前之文章大匠。莫之能先也。有牧菴文集若干卷。

行世元史  
列傳

明

劉啟祥字端宇天性孝友潛心理學家門雍肅動有禮法以貢授廣文歷鷄澤縣東平州保定府敦崇實學課士有

力齊魯燕趙之士從遊者甚衆歸田後瑾戶讀書垂老彌

見

志

國朝

孫新逢字啟泰號鍾元直隸保定容城人明高歷庚子舉人少以孝聞與江村鹿忠節訂交卽以荷聖學自任安貧樂道孳然負名世之望兩朝徵聘十一次皆辭不就天下

所之日教書國初携家蘇州湖兼山堂於夏峯讀易其

中四方學者聞風興起負笈結廬千里從遊朝右羅緝多  
歸里受業學者又稱夏峯先生睢州湯潛菴嵩陽耿介石  
諸儒皆出其門先生之學在體認天理而功歸慎獨凡與  
人論忠孝仁義必罕譬曲喻歸諸道而後已直以庸德庸  
言印證天命原初之體誠 興朝理學之宗而續濂洛關  
閩之統緒者著有四書近指讀易大旨尙書近指理學宗  
傳夏峯集家禮酌歲寒居文集孝友堂家規幾輔人物考  
中州人物考讀書行世年九十二歲卒葬於輝列祀百泉  
言院子孫居輝世有哲人猶有理學之家風焉 輝縣志五  
見流寓

孫望雅字君學奇逢第三子週歲喪母十歲始就外傳讀



書鄙章句既弱冠父命從鹿忠節公學讀羅念菴集恍然  
曰學在是矣忠節大喜復授以傳習錄與家兄君建互證  
默識充然有得年三十卽棄青衿以尊聞行知爲務從徵  
君寓蘇門徵君沒一肩家學久而彌新喜怒不形涵養純  
密論者謂君達似伯夷君孚似柳下焉年七十七無病卒  
康熙四十年魏鄭賢所著有得問人集行世

輝縣志

孫用玉原名用植字以寧號臧齋中翰洽子八歲能屬文  
十二歲能詩古文辭年十四入郡庠旋膺選拔領鄉薦遭  
外艱遂液仕進從憂服中認取本來面目潛心家學深有

所學遂成

用正先志承志守放無間首年七十丁母憂屏絕葷酒  
兩孫居廬墓側者三年乾隆七年以孝聞於朝廷建坊  
旌表初任禹州學正悉本徵君之教以教士士風丕變再  
鐸許昌創書院興社學去之日紳士建講堂祀之且歲時  
講習其中前大中丞楊雅兩公俱聘主大梁書院教士惟  
尚躬行居恒以維持風化爲本樂道人善如不及族家貧  
乏者周之貧甚者給以田廬乾隆八年舉鄉飲大賓所著  
有緘齋集十六卷增補輝志稿八卷卒年六十九歲葬於  
城北方山之陽

輝縣志

忠節

殷

比干紂諸父爲少師見箕子諫不聽而爲奴則曰君有過而不能死諫則百姓何辜乃直言諫紂三日不去紂怒曰吾聞聖人之心有七竅信有諸乎乃遂殺之剖而視其心武王既克殷封其墓唐貞觀十九年再封之贈太師諡忠烈

周

去演衛大夫初受君命出聘未返狄人侵衛懿公敗於濮澤見殺身無完膚獨肝完好演使還報於所辭澤呼天而號盡哀而止曰若臣者陽死可耳遂自刺腹以報懿公

孔達初晉以衛之救陳也討焉使人弗去曰罪無所歸將  
加而師孔達口苟利社稷請以我說遂縊而死衛人以說  
於晉而免衛人以為成勞復室其子使復其位

左傳

### 三國

陳宮字公臺

三國志東郡人

剛直壯烈少與海內知名之士皆相

結連及天下亂始從曹操後自疑去乃從呂布為布畫策

布每不從其計下邳敗宮被執操謂曰公臺平生自謂智

計有餘今竟何如當指布曰不用宮言以至於此若其見

從來可量也趨出就戮

三國呂布傳

梁

江子一字元亮曾散騎常侍統之七世孫也父湛成奉朝  
請子一慷慨有大志以孝聞仕梁爲玉國侍郎奉朝請其  
姑夫左衛將軍朱異權要竇塞輜輳子一未嘗造門其高  
潔如此爲遂昌曲阿令皆著美績後爲南津校尉弟子四  
歷尚書右丞兄弟性並剛烈子四自右丞上封事極言得  
失武帝善之詔曰屋漏在上知之在下其令尚書詳擇施  
於時政及侯景攻陷歷陽圍建業子一及弟尚書左丞子  
四東宮直殿主帥子五並力戰直前子五刺賊稍折死之  
弟一與兄俱出何而獨旋乃免肖赴敵俱死之賊義子一

之勇歸之面如生侯景滅元帝追贈子一侍中  
四黃門侍郎謚毅子子五中書侍郎謚烈子子  
及班固九品並辭賦文章數十篇行於世

梁書  
列傳

唐

甄濟字孟成本定州無極人叔父爲幽涼二州都督家衛  
州宗屬以伉俠相矜濟少孤弱獨好學有高行以文雅稱  
嘗讀書衛縣清巖山十餘年遠近伏其仁採訪使苗晉卿  
表之諸府五辟詔十下皆不起天寶十載以左拾遺召未  
至而安祿山入朝求濟元宗不得已起爲安祿山掌書記  
蔡祿山有異志陽爲嘔血不支昇歸祿山反使蔡希德封

乃召之濟引頸以待希德嗟嘆以實疾白祿山得免後賊  
平濟詣京師肅宗命館於三司署令受僞官者羅拜以愧  
其心累遷著作郎兼侍御史李膺秘書少監

唐書卓行傳

高郢字公楚九歲通春秋工屬文著語默賦諸儒稱之父  
僧祥爲好時尉安祿山反將殺之郢尙幼解衣請代賊義  
並釋之實應初舉進士代宗爲太后營章敬寺上書諫不  
納以茂才異行高第累擢咸陽尉嘗勸李懷光西迎乘輿  
懷光反方銳不聽因與其將呂鳴岳張延英謀間道歸國  
事洩懷光先斬二將然後引郢詰誚抗詞無所愧隱懷光  
誅李晟表其忠召拜主客員外郎遷中書舍人進禮部侍

國朝通志卷之八十一 言行錄 言部 凡三歲 驛 臨 攝 攝 攝 攝 攝  
之俗爲袁真死求擢中書侍郎同中書門下平章事順宗  
時爲華州刺史政尙仁靜以右僕射致仕卒贈太子太保  
謚曰貞郢恭慎不與人交掌制誥家無留稿或問之曰王  
言不可藏於私家生平不治產有勸之者曰祿原雖薄在  
我則有餘困莊何取乎子定自有傳 唐書列傳

高里相公者字失傳高里公所居號也舊志稱公登第之  
初直諫不獲聽而預唐遜和尙封直烈侯鄉人稱爲相  
公云 唐書

盧奕懷實子慈眉目豐下體重寡欲斤斤自修與凡無各



上天下雨剛毅遇之天寶初為鄆令所治輒最積功擢給  
 事中拜御史中丞自懷慎免奕三居其官清節似之時傳  
 其美俄罷臺東都兼知武部選安祿山陷東都吏亡散奕  
 前遣妻子懷印間道走京師自朝服坐臺被執將殺之節  
 數祿山罪徐願賊徒曰為人臣當識逆順我不蹈失節死  
 何恨臨刑西向再拜而辭罵賊不絕口肅宗詔贈禮部尚  
 書諡貞烈 唐書忠義傳

朱

杜貴仕至太尉政和三年賊犯縣境貴率二子出禦力戰

元元民留以全 縣志

聞忠衛王時爲開州刺史賽哥叛忠單騎入城縛之出由是漸被擢用哀宗遷蔡圍城之役與義軍招撫毛佺等同

日戰死

滑縣志

元

王遜志惲曾孫歷監察御史江西廉訪副使召簽太常禮儀院元末京城不守公卿爭出降遜志獨家居衣冠而坐其友王翼來告曰新朝寬大盍出詣官自言狀遜志斥之曰君旣自不忠又誘人爲不義耶卽日投井死

汲縣志

郭明善魁岸驍勇少讀孫吳書慨然有大志嘗曰丈夫當

如項籍學萬人敵班超封萬里侯安能效書生尋章摘句  
從事筆硯問乎順帝元統己亥由千戶從大將某討劉福  
通有功陞萬戶丁未秋貊高爲變殺衛輝守禦余仁輔駐  
兵清化時善將兵八千西扼盩城之喉東禦修武之險氣  
甚銳貊高遂引兵還戊申冬明師由中灤渡河善力戰歿  
於陣孫彬收遺骸葬之

獲嘉志

李鉉字伯鼎守延平擒寧化寨寇解福州海寇圍進擊福  
安寨寇戰於政和泗洲橋弗克賦詩曰戰敗誠宜死沉思  
恨復牽君親恩未報忠孝事難全埋骨應無地知心祗有

天孤魂托明月夜夜白雲邊遂戰死事聞增鎮國上將軍

隴西郡公兒鈞字伯衡累以戰功至懷遠大將軍功在  
寇於清流戰沒國人號曰雙忠

入祀鄉賢  
浚縣志

明

左源景泰甲戌進士歷任監察御史抗疏論諫屏遠嬖佞  
廷杖四十謫文縣知縣特稱其忠直

浚縣志

張衍瑞字元承舉子宏治乙丑進士授清豐知縣有治績  
以執法忤劉瑾逮下詔獄幾死瑾誅得釋陞吏部主事歷  
文選司郎中值武宗南巡抗疏諫其上怒罰跪杖又頻  
死謫平陽同知肅宗嗣位特詔復原職尋陞太常寺少卿  
卒贈太僕寺卿遣官諭祭於其家並營葬事

浚縣志

劉珏以貢士任刑部照磨正德中武廟將南巡珏連疏伏  
闕諫止上大怒令同諫者跪於午門五日因下獄廷杖死  
車駕亦不果出嘉靖元年詔贈刑部主事命有司諭祭廕  
其子欽爲太學生以旌其忠今從祀鄉賢祠

汲縣志

卜從善明末河南總兵也先以副總兵守衛闖賊犯開封  
巡撫高各衡令暗渡河南掘河灌賊營未成賊覺衝散後  
河決陷開封從善以水師至城上合河北諸軍用大礮擊  
沉賊前鋒上寇李際遇等所在蜂起從善兵僅三千人屢  
建奇功崇禎十七年賊將破懷慶漸逼衛從善護陝濟南

行世旋據衛城從善返與軍力竭爲所執大罵不屈遂遇

善剖腹剝胸備極慘毒郡人哀之殮其尸葬北關寶曇寺

後東偏

汲縣志

何繼曾其先山西洪洞人以世襲任衛輝千戶遂家於汲  
生平謹以律已謹以奉公遷南陽守備竭力整飭營務剔  
蠹除奸而仍寓以和平不事苛細撫按交章薦擢河南都  
司署都指揮僉事爲閹黨所排旋里祭積甲申春流賊入  
衛不屈被殺妻支氏從殉一女年十七死尤烈別有傳

汲縣志

志

郭沿號蘇門蒙吉之子萬歷乙未進士授翰林院庶吉士  
散館編修歷春坊庶子辛丑爲會試同考官癸卯典試江

西並稱得士居父母喪廬於柩側主旁不入內六年如一日喪祭告虔必以禮熹宗卽位起詹事府少詹事掌南翰林院疏辭不允尋陞禮部右侍郎聞廣寧之沒忠憤惓惓卽上疏請兵數萬以益文龍條析如燭照拜疏卽行欲至涼面陳是時驛路紛紜皆南行各遣眷屬還歸爲身家計而涓獨捐軀赴難携家北上遂以感憤時艱兼程取道憂勞成疾至京師而卒贈禮部尙書廕一子勅賜祭葬建坊以旌其忠涓精書法工詩文有菉竹園集行世祀鄉賢忠

義祠

新輝縣志

李可登字思善宏治舉人歷任兵部司務議大禮忤旨廷

叔死陞慶初詔褒其忠贈光祿寺少卿賜諡忠義

吉永祥國子生任陝西漢中府鳳縣主簿既致仕流寇笑至城下印官逃走公倡義督士民守城城陷公北面再拜曰臣爲鳳縣官不敢以致仕逃局外當與城同存亡遂罵逆寇死難長子士樞三子士模同公死難詔贈漢中衛經歷勅建忠節坊

張信歲貢生任襄城縣訓導逆闖梟張孤城失守拜辭君師北面自縊氣未絕而賊至解其索徵生之公大罵不絕口截其舌卽以血書剪寇字誓爲厲鬼以除賊賊益恨遂遇害其妻馮氏媳崔氏亦殉於難忠孝萃一門載襄城志



其詳其子庠生含樸貝刃覓屍輿櫬歸葬

牛德富關村里農夫也莊烈帝崩凶聞至牛正統鋤播獲呼號痛楚赴百泉二閘投水死其忠烈與西湖樵夫甚相

類

以上輝縣志

賀仲軾字景瞻獲嘉人萬歷庚戌進士工部郎中盛瑞子也初任醴泉令有聲丁憂補青浦修海忠介祠以見志佐戶部辨湯道衡之誣守鎮江表戴天錫之績不附璫焰捐金收葬袁化中楊璉諸臣具徵氣節自武德兵備歸里杜門著書不輕接見當道甲申寇逼所在風靡公撫膺太息

日人臣大節難虧讀書貴有實用吾受國厚恩一旦有變

不以死報何面目見吾君吾祖考於地下急取自名  
振能嗣子敏猷顧妻王氏妾李氏張氏王氏曰吾從此逝  
矣願從死者隨吾入穴妻妾同聲應曰主人死吾儕何忍  
獨生隨登其別墅巨柏庄樓上扃戶相率縊死人多有輓  
詩載藝文內

獲嘉縣志

李樸廩膳生崇禎五年九月流賊大掠人民逃竄樸以祖  
宗墳墓不忍誰遭賊於郊不跪欲刃之樸厲聲曰吾輩讀  
書知節義頭可斷膝必不可屈大罵不絕口而死事聞知  
府苗率屬泣祭之

獲嘉縣志

毛一麟歲貢生任禹州學正崇禎十四年十二月李自成

攻禹州城陷死之

獲嘉縣志

張必達其縣廩生與其胞弟邑庠生上達同居尙義氣崇  
頑庚辰西山土寇聚隴河北道憲副鞏公煇臨境議勦會  
河南流寇猖獗河北苦無官兵欲調各村社鄉兵恐不堪  
用二生詣道請謁抵掌談勦賊之畧願以盡忠報國爲已  
任鞏公大加獎勵因以其事托之二生督率高村等處鄉  
兵三百餘名夤夜進勦賊已偵得其情設伏待之不克兄  
弟俱死於難院道憫其苦節扁其門曰烈丈夫仍行提學  
道收錄必達子德壽上達子福壽俱寄學作養

淇縣志

奇逢子女有虎符長日象也壬午明書言盧委區區平明

境公磨義旗率衆禦之始戰殲巨魁再戰斬羣醜數百

而追勦力戰死之撫按旌其忠祀於平湖之名宦祠

仍立廟於戰所曹家橋祀鄉賢

延津志

李宏宗道焯孫文學富麗畢命殉國人皆傷之

濬縣志

杜時泰由恩貢知環縣會流賊大掠杜領衆出矢天曰賊

至此有死而已嚴兵待之賊聞潛遁尋陞同知西安府以

清節聞未幾卒曹太守送其喪及妻歸無嗣

互見政績  
濬縣志

劉襄宸偉施子明末值國步艱難竟以身殉

濬縣志

程見周王良翰皆滑州孝廉也兩人素尙氣節見賊橫國

亡傷心隱痛誓以身許國及偽官流毒府檄擒之兩人遂

與諸紳衿定盟倡義不克抗節而死

滑縣志

王之傑字斗南剛方信義賊至被縛怒罵被害其子廩生

夢賚見賊害父拔刀憤戰良久不勝至死罵不絕口

考城縣志

藍欽考城縣廩生性剛毅流寇攻城急欽登城諭以大義

爲賊暗射死

考城縣志

侯社考城人遭流寇難投水死

歸德府志

侯廷佑考城人遭流寇難投水死

歸德府志

孫尙先考城人父死於寇尙先殉父被害

歸德府志

劉尙志榮子尙信弟也時當板蕩備歷艱虞與兄子文偉

國朝

李實發號石林天敘孫大生子與弟實秀同登壬午榜選授湖廣襄陽推官明允有聲性剛直不畏強禦值逆弁作亂被執不屈罵賊而死事聞 朝廷憫其忠烈贈湖廣按

察司僉事諭祭葬膺子聯入國學祀襄陽名宦康熙間祀

鄉賢 汲縣志



衛輝府志卷二十八

人物

名宦

上

漢

吾邱壽王字子戇趙人也從董仲舒受春秋高材明通遷侍中中郎會東郡盜賊起拜爲東郡都尉上以壽王爲都尉不復置太守詔賜璽書有云子知畏輻湊天下少雙海內寡二後徵入爲光祿大夫侍中

嚴彭祖字公子東海下邳人也嘗受學於睦孟由是顯門教授宣帝時拜爲博士出守東郡入爲左馮翊遷太子太



傅廉直不事權貴

焦延壽字贛梁人貧賤好學元帝時爲郡吏察舉補小黃令以伺候先知姦邪盜賊不得發愛養吏民化行縣中舉景當遷三老官屬上書願留有詔許增秩留卒小黃所著有易林傳于世祀名宦

王尊字子贛涿郡高陽人爲東平王相後遷東郡太守河水盛溢泛浸瓠子堤老幼奔走恐水大決爲患尊率吏民投沉白馬祠水神河伯尊親執圭璧使巫策祝請以身填金堤因止宿廬居堤上吏民數千萬人爭叩頭救之尊不肯去及水盛堤壞吏民皆奔走惟一主簿泣在尊旁立不

動而水波稍却迺還吏民嘉壯尊之勇節  
等奏其狀下有司考皆如言詔秩增二千石加賜黃金二  
十斤數歲民立高侯祠祀之

韓延壽字長公燕人也初爲諫議大夫歷淮陽潁川守治  
甚有名數年遷爲東郡太守上禮義好古教化所至必聘  
其賢士以禮待用在郡三歲令行禁止爲天下最

陳咸字子康沛郡相人也元帝時爲御史中丞咸帝勅擢  
東郡太守京兆尹王章譏切大臣惟咸可爲御史大夫  
翟方進字子威汝南上蔡人也成帝時擢爲東郡太守後  
爲丞相號爲明通相

翟義字文仲方進少子也常爲宏農河南太守青州牧所  
居著名有父風烈徙爲東郡太守數歲平帝崩王莽居攝  
義心惡之乃謂姊子上蔡諒豐曰五季備宰相子身居大郡受  
子受漢厚恩義當爲國討賊以安社稷設令特命不成死  
國埋名猶可以不慚於先帝乃肯從我乎豐年十八勇壯  
許諾義遂與東郡都尉劉守等結謀共主漢宗室嚴侯劉  
信爲天子移檄郡國言莽鴆殺平帝矯攝尊號今天子已  
立共行天討郡國皆震比至山陽衆十餘萬莽聞之惶懼  
不能食乃依周書作大誥以欺其衆義衆潰不克而死

張輔字孟侯汝南人趙王張敖之後也以尙書授皇太子

每侍講數有匡正之辭以嚴見憚出爲東郡太守下車搏擊豪強郡吏王青三世死節黼乃上疏薦之帝稱其諫正出於誠心有史魚之風後拜司徒

曾丕字叔陵魯恭弟也永安二年遷東郡太守能修灌溉百姓殷富數薦幽隱名士王龔等皆備帷幄近臣後爲侍中左中郎將

耿純字伯山鉅鹿人守東郡數月盜賊清寧居四年坐免後濟陰盜起帝遣將擊之以純威信著於徯地詔拜大中大夫使與大兵會於東郡盜聞其來九千餘人皆詣純降大兵不戰而還璽書復以純爲東郡太守吏民悅服

虞詡字升卿陳國武平人安帝時朝歌盜甯季等數千人  
攻掠屯聚連年不能禁大爲民患詡爲朝歌長人威弔焉  
詡曰不遇盤根錯節無以別利器至則設三科以募壯士  
得百餘人使人賊中誘令劫掠乃伏兵以待之殺賊數百  
又潛遣貧人能縫者備作賊衣以紅線逢其裾爲識有出  
市者輒擒之賊由是駭散咸稱神明鄧太后臨朝以詡有  
將相之畧使征叛羌遷武都太守詡日夜進道令士卒作  
兩竈日增一倍羌不敢逼後大破之永和初遷尙書令入  
名宦

崔瑗字季玉涿郡安平人順帝時舉茂才授汲令在任數

言便宜事教民開稻田數百頃爲政七年教化大行百姓  
歌之曰天降神明君勗我仁慈父安帝初大司農胡廣少  
府竇章共薦瑗宿德大儒從政有績不宜久在下位遷濟  
北相後至尙書令卒留葬洛陽

桓鸞字始春沛郡龍亢人少立操行四十不仕桓帝時爲  
汲令甚有名績後徵拜議郎

應融漢安帝時爲汲令時中山祝恬公車徵用在道得病  
至汲沉困無醫藥融聞之驚愕徑詣旅舍躬自御之以歸  
手爲丸藥身自舂熟恬病加劣爲制衣棺送終之具丹餘  
病漸瘳比愈置酒酣晏贈以車馬乃別恬後至司隸薦融

爲太守歷典五郡名冠遠近

劉熊字孟陽洛西人光武齊孫俞綿侯之季也爲政張弛適宜寬嚴相濟五典慎徽六事修舉遠近莫不悅服貧富各得其所去任之後士思於學校農思於畝商賈思於市行旅思於途吏民愛若慈母畏若神明詳見中郎蔡邕所撰碑文祀名宦

黃香江夏安陸人累遷尚書令出爲東郡太守因上疏乞留宿衛和帝惜其幹用復留之增秩二千石賜錢三十萬李雲字行祖甘陵人性好學善陰陽初舉孝廉再遷白馬令桓帝時中常侍單超等以誅梁冀功封五侯專權用事

災異頻見雲乃露布上書畧曰帝者諦也言審諦於物也  
今官位錯亂小人諂進財貨公行政化日損是帝欲不諦  
乎奏入帝大怒送黃門北寺獄考治時宏農五官掾杜衆  
傷之上書願與雲同日死帝愈怒並下獄

王奐字稚子廣陵人敦儒學習尙書以太守陳寵功曹當  
職遷考城令律身剛方政尙嚴猛聞邑人仇覽以德化陳  
元署爲主簿奐尋遷洛陽令卒桓帝錄其子石爲郎中入  
名宦祠

周舉字宣光汝陽人幼博學洽聞爲儒者所宗延禧間辟  
司徒後舉茂才爲平邱令屢上書言當代得失辭甚切直



遷并州刺史後左雄薦舉徵拜尚書舉又上書勸上順四  
果首陰陽遠邪佞銷忠貞已而後定廟次典禮止北鄉之  
謚却采商之燕卒遷諫議光祿大夫及卒上嘉舉清公直  
亮深痛惜之詔曰舉性侔夷魚忠踰隨管子錄乃勳用登  
九列賜金錢十萬以旌之入名宦祠

臧洪字子淵廣陵射陽人初爲張超功曹甚相知遇後袁  
紹以爲東郡太守時曹操圍張超於雍邱甚急洪徒跣號  
泣將赴其難自以勢弱從紹請兵紹不聽超城陷洪由是  
怨紹絕不與通紹興兵圍之歷年洪仗義死守吏士莫肯

離叛食盡城陷紹與洪共飲殺之世邑人懷其忠義

以當死趨謂紹曰將軍舉大事欲爲天下除暴而乃先誅  
忠義豈合天意小人今日寧與臧洪同死不與將軍同生  
也遂復見殺在紹坐者無不嘆息曰何以一日殺二烈士  
三國魏

鄭袤字林叔開封人武帝初封諸子爲侯精選賓友袤爲  
臨淄侯文學遷尙書郎出爲黎陽令吏民悅服太守班下  
榜縣特見甄異爲諸縣最

韓宣字景然渤海人黃初中爲東郡太守當官在能否之  
間善能以已恕人爲鴻臚翼前大鴻臚韓暨相先後諺曰大鴻  
臚小鴻臚前後治行曷相如

羊茂字秀實爲東郡太守冬月坐白羊皮夏月坐一榆木  
板床出界買鹽政食之

王宏字正宗高平人泰始初爲汲郡太守撫百姓如家人  
耕桑樹藝屋宇阡陌莫不躬自教示曲盡事宜司隸校尉  
石鑿上其政術武帝下詔褒之賜穀千斛布告天下遷河  
南尹大司農太康中爲司隸校尉後遷尙書

喬智明字元達鮮卑前部人成都王穎表爲共縣令有異  
政縣人愛之號爲神君

鄭默字思元開封人度

卅值歲荒輒開倉庫賑

給乃舍都亭自表待罪朝廷嘉然憂國詔書褒美比之汲黯頌告天下

郝隆字宏始蹇亮有匪躬之節初爲尙書卽轉左丞在朝爲百僚所憚後補東郡太守政聲甚著

南北朝

明亮字文德平原高昌人魏宣武時爲汲郡太守性方厚有識幹清白愛民有惠政及卒吏民咸追思之

鄭述祖魏殷州刺史有惠政風檢尤爲衆所稱譽

高祐渤海人孝文時爲秘書令問曰何以止盜對曰昔宋均立德猛虎渡河卓茂行政蝗不入境况賊盜人也治化

有方止之易矣孝文善之出鎮滑臺乃縣立講學黨立小學政教大布焉

孟業字敬業鉅鹿安國人皇建初守東郡以寬惠著名是年有麥一莖五穗或三穗四穗者咸以爲政化所感至秋復有嘉禾一莖九穗者河清三年勅民間養驢催買甚切業權出庫錢貸人取辦後爲憲司所劾被攝之日人皆攀轅號泣悲動行路乃放還郡中父老皆叩泣迎之後爲廣平太守

房超爲黎陽太守趙道德以事屬之超不發書楛殺其使

齊王善之命守宰各置陪以誅屬請之使

石曜字白曜中山安喜人以儒學進居官清儉武平中爲  
黎陽太守值斛律武都出爲兗州刺史武都卽丞相武陽  
王世子皇后之姪甚貪暴先過衛縣命丞以下斂絹數千  
疋以遺之及至黎陽命左右諷動曜治下縣官曜手持一  
絹謂武都曰此是老妻機杼聊以奉贈自此外並須出於  
吏民吏民之物一毫不敢犯武都知曜清素純儒笑而不  
責著有石子十卷後終譙州刺史

隋

卽茂字蔚之新市人高祖時爲衛州司隸有能名尋除衛  
國令時有繫囚二百茂親究審數日釋免者百餘人歷年

詞訟不詣州省衛州刺史元暉謂茂曰長史言衛民不敢  
申訴者畏明府耳茂進曰民猶水也法令爲隄防隄防不  
周必致奔突苟無決溢使君何患哉暉無以應

樂運字承業任獲嘉令以德化民錄夏商以來諍諫事曰  
諫苑以聞上嘉之

唐

崔珏字子玉祁州人貞觀十二年舉孝廉爲衛縣令頗有  
惠政嘗值河水暴泛浸沒民田公設祭河上爲文祝之水  
遂漸息民感其惠作歌頌之立祠以祀今淇縣東西岡村

好君廟其主祠也夫名宦

曹懷節唐初任共城令辛怡諫撰百泉陂銘稱其爲愷悌君子民之父母趙澄又謂其共城第一令其必有足徵者徐勣字懋功曹州離狐人隋末爲李密守黎陽密降唐勣謂長吏郭孝恪曰人衆土宇皆李公有也吾若獻之是利主之敗爲己功吾所不爲乃錄土地戶口啟密請自上之唐主以爲純臣賜姓李詔授黎陽總管後封英國公

李元嘉高祖第十一子少好學藏書至萬卷皆以古文字叅定同異貞觀九年更封韓遷滑州都督

王及善洛州邯鄲人以父君愕征遂死於陣授朝散大夫襄邢國公以益州長史致仕會契丹作亂山東皆震復爲



滑州刺史武后召見問以朝政得失因陳治亂之要百餘條后悅留拜內史

李邕字太和揚州人武后時中丞宋璟劾張昌宗等反狀后不應邕正色大言曰璟所陳社稷太許當聽后乃可奏中宗立鄭普恩等以妖術惑上邕疏曰堯舜稱聖者不聞以鬼神道治天下詞甚激切上不納後爲滑州刺史明皇勅高力士賜宴餞行至滑剗連州治百墜具舉竟謹於衆口下吏當死布衣孔彰邕妻溫氏願代之獲免

敬暉字仲華絳州平陽人聖歷初爲衛州刺史時河北經突厥所蝥方秋緒州爭族民繕城隍曰金湯非不守矣

何捨收獲而事城惶哉縱民歸歛闔部利安遷夏官侍郎  
孔若思越州山陰人舉明經中宗朝以禮部侍郎出爲衛  
州刺史故事以宗室爲州別駕見刺史驚放不肯致恭若  
思劾奏之有詔別駕見刺史致恭自若思始以清白擢  
青光祿大夫

徐彥伯名洪以字行兗州瑕丘人七歲能文中宗時爲衛  
州刺史有善政狀聞賜璽書嘉勞後上南郊賦擢修文館  
學士歷官工部侍郎太子賓客

陸瓌字仲采吳人舉明經補長安尉以清幹稱開元初年  
中朝子弟不任京職改授新邑令廉直有惠政邑人爲立

祠以按察使宇文融薦遷澠池令

李頎東川人進士開元時爲新鄉縣尉文章政事見稱于時有詩集傳于世

杜閑襄陽人學士審言子工部員外郎甫父也開元中爲獲嘉令有善政後遷奉天令

丁三寓黎陽令王維滑州隔河望黎陽憶丁三寓詩頗有政聲遠時聞行路傳

潘好禮貝州宗城人開元初爲邢王府長史王爲滑州刺史好禮兼府司馬知州事王每游觀好禮必諫農月至出

獵好禮遮道諫王初不許乃卧馬下呼曰今農在田玉何

得非時暴禾稼以損下人要先踐殺司馬然後聽王所爲  
王慚而還

良軌字敦詩滄州南皮人天寶中舉明經由東郡留守遷  
義成節度使能以信義服人淄青李納陰蓄奸謀冀有以  
逞其兵數于自行營還道出滑請館於外軌曰與我隣道  
奈何疑之使暴於野命館城中納士皆心服軌每畋獵從  
數百騎往往入納境納大喜然敬畏其德不敢謀貞元九  
年以尙書右僕射同平章事卒好觀書老益勤尤悉地理  
滑民立祠祀之

高適字達夫一字仲武滄州人元宗時爲封邱令少客梁

宋間與杜甫李白相友善皆盛唐作者爲詩詞簡而意味  
深長嘗咏吹臺上御史毛伯溫爲記有集十卷行於世適  
高尙節義語王道滾滾不厭後舉有道賢官節度使入爲侍  
郎擢諫議大夫負氣敢言權近側目人皆敬憚之廣德中  
任散騎常侍封渤海侯入名宦祠

姚南仲華州下邽人以陝虢觀察使拜義成軍節度使  
軍薛盈珍恃權殺之復遣小吏程務盈誣表以罪會南仲  
裨將曹文洽入奏聞知其語晨夜追至長樂驛及之夜殺  
務盈投其表於厠爲書二一抵南仲一白南仲寃且自言  
殺務盈狀乃白殺譯吏以聞帝駭異南仲不自安固請入



京西防秋皆自齎糧食不受供餽道路所過秋毫不犯後  
進檢校右僕射母喪失明卒方疾亟表薦劉晏李勉自代  
代宗得表咨悼下詔褒美其門閭贈太傅

孔戣字君嚴宣聖二十八世孫擢進士滑臺節度使盧群  
辟爲判官群卒戣總攝留務監軍楊志謙雅自肆衆皆恐  
戣邀志謙至府與對榻卧起示不疑志謙嚴憚不敢動後  
累官嶺南節度使召改右散騎常侍還爲左丞以禮部尙  
書致仕

薛平字坦途絳州龍門人仁貴曾孫王師討蔡由左龍武

大將軍授鄜州節度使帝制曰門下武宰以其至公自居

祿下軒轅適嶽嶺樛斲賦此之節其得從一以履教為務  
不時察其勤惰持文就正者門不為禁公餘即為評品因  
材啟迪始終不倦惻怛慈愛之意常溢於法令之外而庶  
事自集期月而政聲大著

唐

曹懷節唐初任共城令辛怡諫撰百門陂銘稱為愷悌君  
子氏之父母趙澄又謂共城第一令其必有足徵者

王梁字君巖漁陽安陽人守狐奴將兵南及世祖於廣阿  
從平北拜野王令與太守寇恂南拒洛陽北守天井關朱  
鮪等不敢出兵世祖以為梁功即位擢拜大司空



趙熹字伯陽宛人光武時拜衛令大姓李子春彥猾并兼  
為人患熹下車聞其二孫殺人即窮詰其姦收拷子春二  
孫自殺京師為請者數十終不聽時趙王良病將終車駕  
親臨問所欲言王曰素與李子春厚今犯罪衛令趙熹欲  
殺之願其命帝曰吏奉法律不可枉也

歐陽歛字正思樂安千乘人自歐陽生傳伏生尚書至歛  
八世皆為博士更始時為原武令世祖平河北到原武見  
歛在縣修政遷河南都尉

任延字長孫宛人明帝永平二年為河內太守視事九年

裴衍河東人字文舒敬業兄子也事親以孝聞有才行將  
畧景明二年授通直郎請隱嵩高瘡疾詔曰栖素雲根餌  
芝清壑騰跡之操深用嘉焉世宗末出山肅宗除散騎侍  
郎行河內郡尋除建興太守轉河內守以憂去行歷二郡  
廉貞寡欲善撫百姓民吏追思之

李搔字德况趙郡柏人少聰敏有才藝為河內太守百姓  
安之

鄭述祖字恭文開封人北齊宣帝時再為河內刺史皆有  
惠政

獨孤永業字世基本姓劉中山人乾明初為河陽行臺左

丞甚有威信遷行台尚書久在河陽善於撫民周人憚之  
河清末徵為太僕卿於是西境感弱河洛人情騷動多思  
永業又除河陽道行臺

張定和字處謚京兆萬年人煬帝時為河內太守頗有惠  
政歲餘徵拜左屯衛大將軍

崔義元貝州武城人隋亂往見李密不用河內黃君漢為  
密守栢崖因說君漢以城歸拜君漢為衛輝刺史以義元  
為司馬王世充寇河內義元擊走之多下屯堡君漢以所  
掠子女金帛分之拒不受以功封清邱縣公

李育德趙州人世富於財家僮百人天下凡乃私完城甲

象卒能平定上制云惟茲滑臺眷彼雄鎮有二郡蕃庶之  
殷其人勁而剛有三軍制節之重其士毅以肅勉持忠孝  
以保家邦褒資極隆當時榮之

高承簡渤海人穆宗時爲義成軍節度使威惠交茂士民  
德之於是御史李忠者民緇黃等五百餘人奏請立碑  
上稱其扼洪河之險當白馬之津文武叅用農戰兼修人  
俗載安軍政斯理遺書加問眷禮莫比仍勅翰林學士崔  
鄴撰德政碑

李憲衛州刺史甚有治行爲世所稱

五代

王彥章鄆州壽張人驍勇有力能跣足履棘行百步持一鐵鎗乘騎馳突奮迅如飛軍中號王鐵鎗梁帝以彥章爲宣義軍節度使是時晉已盡有河北以鐵鎗斷德勝口築河南北兩城號曰夾塞帝召彥章爲招討使問破敵之期彥章對曰三日左右皆失笑彥章受命而出馳兩日至滑州置酒大會遣人具舟於楊村命甲士六百皆持長斧載冶者具礪炭乘流而下彥章引精兵數千沿河以趨德勝舟兵舉鎖燒斷之因以巨斧斬浮橋彥章引兵急擊南城浮橋斷南城遂破蓋三日矣

史臣論建唐之子爲義成軍節度使

世爲將而匡翰好讀書與學者講論終日無倦陶穀爲作  
墓碑有云懷鼓篋之心行有餘力蘊飛箝之辨似不能言  
不積財而但富藏書不憂家而惟思報國求諸時彥罕有  
倫焉

郭進博野人後周顯德初爲衛州刺史時魏趙邢洛間多  
亡命以汲郡依山帶河易爲出沒伺間擄掠吏捕之輒遁  
去累歲不能絕其黨類進備知其狀因設計發擒之數月  
間剪滅無餘盜遂屏息民得安居事聞世宗特加旌賞勅  
柱韓序其事勒碑郡治

宋

陳貫字仲通相州安陽人舉進士真宗識貫擢真高第知  
衛州督察盜賊禁戢不肖子弟簿籍完虛賦租出入皆白  
檢覈嘗謂寮屬曰視縣官物如已物容有奸乎州人憚其  
嚴擢利州路轉運使

張岐崇安縣人登端拱二年進士調延邑尉治行第一歷  
授大理寺評事遷司直治獄如神深爲真宗識擢屢出諸  
路決疑獄遷將作監丞後改秘書丞知瓊州兼刺崖州

陳堯佐字希元閩州人天禧中河決堤壞起知滑州晝夜  
督役造木龍以殺水勢堤始得成又筑長堤以護其外人  
呼爲陳公堤

歐陽修廬陵人慶歷初爲滑州通判秉正恤下敷文率義  
滑人德之後爲翰林學士拜叅知政事其子憲爲韋城主  
簿

陳希亮字公弼眉州青神人皇祐五年守滑會河溢魚池  
埽希亮悉召河上使者發禁兵捍之而自廬於當決之處  
吏民泣涕更諫希亮堅卧不動水亦漸去人比之王尊後  
字恪爲滑州推官

李復珪字審言年二十八知滑州與郡官夜燕會有牙兵  
奪銀匠斂鎚殺人一府皆驚珪命捕至立斬之上章奏聞  
司按其擅殺仁宗曰復珪將帥才也除知慶州邵堯夫



其禱事有斷續以才高見忌於時

張方平字安道宋城人明道中知滑州時三司使王拱辰請權河北鹽既立法而未下方平入問曰河北再權鹽何也仁宗驚曰始立法非再也方平曰周世宗權河北鹽犯輒處死世宗北伐父老遮道泣訴以鹽課均之兩稅而弛其禁世宗許之今兩稅鹽錢是也豈非再權乎仁宗大悟曰卿語宰相立罷之方平曰法雖未下民已知之當以手詔罷仁宗大喜命樞密撰手詔下之河朔父老相率拜迎於澶州爲佛老會七日以報其恩

同馬光字君實夏人攝掌韋城縣事政聲赫然民畏之

梅摯字公儀知滑州歲修河調丁壯伐灘葦摯以疲民奏請州兵伐之一夕報河決摯率官僚督兵夫完堤忽見一白鬚老人載稻稗一舟往來佐助及水定天明命吏請之老人不復見人以摯之誠感致焉

李之才字挺之青州人天聖八年進士為人樸直坦率自信師河南穆修受易修之易受之种放放受之陳搏源流最遠圖書象數變通之妙秦漢以來鮮有知者初爲獲嘉主簿權共城令有治行時邵雍隱居苦學於蘇門山百泉之上布裘疎食躬爨以養父之才叩門來訪勞苦之曰好學篤志果何似雍曰簡策之外未有滿也之才曰君非迹

簡策者其如物理之學何他日則又曰物理之學學矣不  
有性命之學乎雍再拜願受業於是先示之以陸淳春秋  
意欲以春秋表儀五經既可語五經大旨則受易而終焉  
其後雍率以易名世之才器大難識棲遲久不調或惜之  
曰宜少貶以圖榮進石延年獨曰時不足以容君曷不去  
之再調孟州司法叅軍友人尹洙以書薦於中書舍人葉  
道卿因石延年致之曰孟州司法叅軍李之才年三十九  
能爲古文章語直意邃不肆不窘固足以蹈及前輩非洙  
所敢品目而安於卑位無在進意人罕知之其才又達世  
務使少用於世必過人遠甚道卿薦之得改大理寺丞爲

緱氏令未行會延年與龍圖閣直學士吳遵路調兵河東  
辟之才澤州簽署判官澤人劉義叟從受歷法在澤轉殿  
中丞後寶歷五年卒

李常建昌人神宗時知諫院上疏論王安石新法之害無  
異王莽觸帝怒落職通判滑州留意政事民懷其惠

韓綜億之子知滑州有德政民甚懷之

王詔字景獻知滑州屬縣有退灘百餘頃歲調民刈草給  
河堤詔募民佃之而收其餘

傅堯俞填城人神宗時御史以力論新法貶黎陽監倉郡  
守欲檄他官代理辭曰居其官安可曠其職卒不聽雖寒

暑必至庾中治事後召爲秘書少監

魯有開亳州譙人熙寧中知衛州時水災人乏食擅貸常平倉粟與之且乞蠲其息

劉肇字莘老元豐末知滑州有嘉政

豐稷字相之明州鄞縣人神宗時爲封邱令封附畿內素苦權要請託稷不峻拒之第直其情取平於法不以人爲重輕人亦無敢于以私者吏民畏愛之入名宦

石公弼字國佐越州新昌人舉進士徽宗時爲衛州司法叅軍淇水監牧馬運食人稻爲田主所傷時法令至密郡

守韓宗哲欲坐以重辟公弼言但當懲圍者民不可罪卒

如其議

陳璿字瑩中南劍沙縣人知衛州專以仁慈及民庭無滯訟兩被內除皆辭不就

邵博字陽淑陽美人大觀間爲新鄉令才穎廉利吏人在庭若履水上期月庶政畢舉巡觀北郊至衛河見民病涉殫心籌畫創建石橋事成而役不擾民思其惠名曰邵公橋至今利賴之祀名宦

鄭驥簽書衛州判官有善狀轉運使劉從德表薦之進一官

許遜歛縣人以獻策召試汲尉汲人詣京師請遜爲令遷

秘書省校書郎知縣事數上書言事皆切時政後徙江平令被薦拜太僕寺丞歷官員外郎

燕度字唐卿青州益都人登進士知滑州滑與黎陽對境河埽下臨魏都霖潦暴至薪芻不屬度曰魏實爲河朔根本不可坐視成敗悉以所儲芟槌禦之埽賴以不潰

王沿字聖源大名館陶人少治春秋登進士知滑州增屯兵城中隘甚乃築西關城五里

方元修唐處土方干之後政和間通判濬州有詩名

孫輔爲黎陽尉盜賊屏息嘗屈已訪陽翟杜生杜因以名

關

高繼勳字紹先以天雄軍都總管知滑州河水暴溢齧堤岸勳雖老躬自督役露坐堤上晝夜不輟水乃殺滑人深德之

趙世長知滑州軍事有惠政

何宏中字定遠宣和二年舉武進士第二調滑州韋城尉汴京被圍州郡多避走獨韋城不下宏中天性忠勇鮮出其右後以力盡被虜金太師昭刺誅以利害不從將斬之宏中談笑就死卒憐其忠歸之居家自號通理先生述懷詩云馬革盛尸每恨遲西山餓路更何辭姓名不到中興歷傳與皇天后土知



李若谷字子淵徐州人知滑州愷悌愛人河決韓村堤夜馳往督兵爲大埽至旦堤完旣去民思之

杜金吾滑州刺史有惠政

金

孟奎字元秀遼陽人大定間進士爲汲令有廉名時平章政事完顏守貞禮接士大夫在其門者號冷巖十俊奎其一也

張簾大定時爲新鄉令二十八年二月以河水入城閉塞救護有功與縣丞唐括唐古出主簿溫敦偃俱遷官有差

王維翰字之翰利州龍山人登大定二十八年進士明昌

特由丞霸令遷獲嘉佐胥持國治河決有勞改北京轉運  
判官歷陞工刑二部尙書拜叅知政事貞祐初罷爲定海  
軍節度使元兵至與妻姚氏俱死難

蒲察鼎壽本名和尚上京曷速河人歷蠡州刺史瀋州防禦  
使有惠政兩州百姓刻石紀之

李好復安喜人明昌二年進士爲榆次令有能後爲滑  
州刺史不替厥初

高守約字從簡遼陽人大定間守滑臺善人倫堅慎許可  
疾惡太甚人多畏而妬之後移刺景州亡於陣

張洵字仲仁以律學進好讀書尤善內典初爲廷尉後出

守白馬履鞠大獄辯活者衆以兵變城陷赴井死

苑中字樞之大興人承安中進士累官京西路司農少卿  
滑州刺史好賢樂善有古人風

王泉字巨源少慷慨有志膂力絕人後遷廣威將軍同知  
滑州諸軍事會北兵亂與元光秋戰於白馬西泉臨陣奮  
擊斬獲七千餘人捷聞詔加昭武大將軍滑州刺史繼授  
鎮國上將軍濬滑開三州招撫使北兵每至相戒曰小黑  
戰甚銳其鋒未可輕挫泉面鐵色故軍中目之卒年四十

陳祐趙州寧晉人世祖時爲衛輝路總管衛當四方之衝號稱難治祐申明法令廉介公正創立孔子廟修比干墓且請於朝著爲祀典尤有惠政及民旣去民思之如父母爲立碑頌德

董文用字彥材真定藁城人世祖時爲衛輝路總管佩金虎符郡當衝要民爲兵者什九餘皆單弱貧病會初得江南國寶金幣之運不絕於道衛輸輓日役夫數千人文用憂曰吾民敝矣而重妨耕作殆不可言於運主州縣吏卒足以備用不必重煩吾民主者曰汝言誠然萬一有不虞則罪將誰歸文用卽手書具官姓名自任之民得以時耕而

運事亦不廢時又議通沁水東北合衛河以便漕運文用  
曰衛地最下每大雨沁輒溢出今若通之則與大名俱沒  
矣會遣使相地形上言衛城浮圖最高纔與沁水平勢不  
可開也事遂寢在郡多善政民爲立去思碑

王昌齡字顯之滄州人世祖時守衛輝路政務平恕才行  
和輔人以中行稱之甫下車百姓流移者旋復本業初衛  
自兵燹以來民之耕植者多居郡東而泉水自鄆城而下  
東流滙於淇水每歲值秋潦輒溢至金隄田廬爲之一空  
昌齡乃築堤黑蕩坡以禦之其患遂息又清水出輝縣山  
陽鎮以入衛河昌齡因度原隰開濬溝澮溉田數百餘頃

任八年惠化大行衛人德之如戴父封任至御史中丞  
及卒葬汲縣親仁里王暉作墓銘百姓爲立祠肖像奉祀  
之子復克同知衛郡亦多惠政云

塔必迷失系出瀚海大族至元三年爲衛州路都監以衛  
壤褊狹路當衝要使輶營帳騷屑無時乃詳陳懸養保障  
之方上於國分辨主宰用濟民勞七年河朔大蝗衛獨不  
災人以爲德政所至云

王珍衛輝路總管以廉自持一毫不苟且及卒囊無餘資  
人甚稱之

陶師淵嘉平人至元間爲衛輝路教授學博行飭敷教有

方諸生感服

劉秉直字清臣大都武清人至正間爲衛輝路總管以經術治民更新庶務咨詢民隱一郡大治溪人劉聚死於盜爲禱於城隍盜果獲民稱頌之

韓澍上谷人至元間爲汲縣尹敷教課農勞心民事百姓非農隙不許入城市躬闕勤惰以爲賞罰遇旱裁決淹獄以消沴氣及虔禱蒼山神靈雨屢應隣邑被蝗獨不入汲境民歌頌之後仕至郎中

李璋襄陵人至元間爲新鄉尹以廉明稱蒞政勤敏案牘鱗集剖決如流監司嘗委以疑獄悉辨明之境內大治

去民爲立德政碑

劉理南宮人至元間爲新鄉尹嘗出資修學均平賦役杜絕私謁獄訟無留百姓蒙惠秩滿民爲刻石記之

李思敬齊東人泰定間爲新鄉主簿時值歲飢上遣使檄其縣帑賑濟他邑思敬請曰吾邑亦飢使憫其誠悉留帑賑濟民賴全活具言於朝獲蠲秋租至順初又款且蝗思敬設法捕之遂獲有秋

司仁字毅夫東原人至元間知輝州增飾學舍敦禮師儒選秀民充弟子員復設鄉學以教之暇則督勸耕桑民獲庶富時稱賢守云



蕭達遼人初從元征西夏餽餉有功授輝州達魯花赤察民隱賑貧乏抑豪強剔吏蠹政平訟理民賴以安至元間卒於官署葬北王社

尙文字質夫深澤人任輝州守時河朔大旱輝獨以禱得雨境內大稔懷孟民馬氏宋氏誣伏殺人積歲獄不能決提刑使者命文往讞推迹究情得獄吏羅織狀兩獄皆釋夏文仲字彥明金鄉人至元間判輝州廉介有守門無私謁鷄鳴視事日晡始退察弊政悉更張之約束吏胥訪求民隱修傳舍禁游惰謹巡防盡心民事故雖石擊搶攘而

民賴稍安時稱賢有司焉

楊禮字和卿滄州長蘆人延祐至治間知輝州事賦性果  
達敏於從政公勤廉恪瘠已腴民豪宕不羈有燕趙義士  
風而能循守禮法政有成效以外艱去民思慕之

杜良字仲賢漢陽人天歷初知輝州事適寇侵鄰郡輝民  
驚擾良曰勿自亂我能庇爾衆俄聞寇潰闔境帖然又能  
察吏筭使不得違政教大行因歲歉走泣中書省請粟以  
賑民民甚懷之

阿昔脫憐喇方畏兀部人至元中爲獲嘉縣達魯花赤初  
至適歲旱齋戒禱於神祠乃大雨秋多蝗脫憐禱於天蝗  
皆南飛不入境遂大稔至元二十年夏六月霽潦水溢築

堤障之民免墊溺後遷河南按察司僉事邑人立石以永  
去思

奴丁字德新哈刺魯人爲宛平宰至正十三年春來監獲  
嘉時永濟橋將頽奴丁鳩工修之爲石梁至今民賴以濟  
周惠字德甫隰州人至元間擢江淮行臺都轉運使置司  
於昨道出朝歌愛其沃壤慨然有墾闢之志後人觀以利  
病上之朝詔以彰德衛輝大名漏版戶五千實焉免徵田  
租三年易號淇州特勅公領辦其事於是任賢能申令甲  
設官衙建倉庫立市集百姓耕牛田器貧不能自置者皆  
仰給於官躬親區畫畧無倦色自是四方願受墾者日接

踵而至鷄鳴犬吠達乎四境公念既庶且富不可無教遂  
建孔廟立學師以教士子不五載而內外修治井井可觀  
以荒廢之墟化爲樂國皆公建白興造之力也卒於官封  
顯國公淇人感其德立祠祀焉入名宦

黑么字仲謙蒙古人官於淇州廉平仁恕政多惠愛既去  
民爲立碑建祠入名宦

李稷字孟幽滕州人泰定中授淇州判官淇當衝要公至  
能理其劇歲大飢告於朝請賑濟民得以甦淇民深感其  
惠入名宦

鞏顯祖河陰人初由汴梁路總府典籤二部掾會都廷經

理五臺名利命公董役工竣陞從仕郎延津令公力除舊弊謝去苞苴杜絕請託公庭肅然延當梁衛之衝使者旁午供應紛沓公創爲區畫定時估以酬民值賓從悅而吏胥不擾歲飢勸富室以貸貧民流離四方者招之俾復其業增崇泮宮及東西兩廡極金碧璀璨又能謹庠序擇師以訓生徒絃誦之音相望百里民劉淵爲家資爭訟五年王成有楮幣一千五百緡爲家人所匿公陰察于衆皆以片言而決人號神君商賈行旅往往爲篙師所苦公廉得其實咸寘之法自是無敢作梗其敏才潔守節用愛民廢舉墜爲一代循良之最祀名宦

王良弼東里人明敏剛介蒞事風生課農勸學革弊安民  
府委理新鄭李仲良告徐尹威逼父死能得其實歲旱  
禱卽應祀延津名宦

齊克申易州定興縣人由扶溝主簿擢延津令時值河患  
淤沒民田賦額未除民甚苦之力請免徵居四年田野闢  
賦役均政平訟理後擢任時民感泣有截鐙之意

王英宏州人至元間爲胙城尹剛明正直訟理政平疾惡  
誥奸不通請謁秩滿民爲立去思碑

鄭棟字士隆泰定丁卯爲胙城尹教民區種栽植桑棗延  
師立庠俾教子弟在任數年政平訟簡盜息民安有去思

碑

石仲傑泰定間爲胙城尹時方徙縣於華里店營建墾闢  
條畫悉當隣邑延津蝗蝻遍野將入境仲傑虔誠祈省蝗  
不爲害明年又旱復禱於神雷雨大作歲以豐熟

姜師望成安人至正間爲胙城尹有能聲勸農興學均賦  
平訟庶政畢舉百廢俱興積年之獄立爲剖斷人服其明  
李守禮至治間爲胙城主簿政事勤敏吏民畏服上官聞  
而趨之旣以縣及隣邑停留五十餘事委之守禮皆研究  
精審情理得當而決遣之三載職滿民不忍別

速哥察理西夏人也器識英邁馳驟功銳應變赴急奮不

顧身累功授濬州達魯花赤時軍旅數興中外徵需頗繁  
重戶漸凋耗察理力爲惠愛撫綏教養久之與濬民相安不  
忍去買田築室黎陽山下治生教子閒居二十年卒封魏  
郡伯葬黎陽山南

張文瑞真定人初從軍以文史自隨同知濬州事首葺廟  
學作興士類子淵亦知濬州事敏於政課士勸農有父風  
李好文字惟申大名東明人登至治元年進士第授濬州  
判官累官翰林學士承旨

劉友諒字貞一至治元年知濬州下車訪察利弊修舉廢  
墜六事俱興大定二年冬得代去百姓懷之爲立碑頌入



名宦祠

康若泰字魯瞻泰定進士授濬州判官下車視事門無私謁務盡公勤天歷二年歲大飢民食缺公惻然乃召富家宴集募之遂得粟二千石以給貧民禁止橫歛民賴以安入名宦祠

王士元字堯佐恩州人泰定四年進士累官知濬州州濱黃河常經盜賊城牒不完市井空虛士元患之力爲整頓至正十七年賊復逼濬兵悉潰士元坐堂上顧子致微使避賊曰吾守臣居此職也若則可逃子涕泣抱士元不去賊至問曰爾爲誰士元叱曰我王知州也強賊識我否賊

欲縛士元士元及子奮拳毆賊賊怒并殺之入名宦

李英襲叔父宥爵以宣武將軍知滑州會歲飢率州民見世祖請蠲其賦滑緣大名遠二百里轉餉不便請儲本州政通民信爲當時重

李禎字瑞卿燕之世家也由長林來貳白馬下車之日政行人悅滑邑感之未逾歲捐出已財買地以置縣學明倫堂東西齋無不周備而勸導邑人各置義學識者謂知爲政之本

孟處中字居正知滑州有冰蘖聲人稱美焉

李茂元統間爲考城縣尹重修文廟創建兩廡置備祭器

詳學宮碑記

明

安祥華州人洪武中任通判介潔有守政多平恕以公奉  
法人不敢干百姓誦之升戶部員外郎

熊邦基洪武三年任獲嘉令時中原新定城社未立戶口  
土著不滿百閭井蕭然邦基招集遷民宣上德意商度墾  
勢築城建社與之更始次第創學宮建官署俾傳踰年而  
役竣蕪廢一新聿成縣治至今享其成焉

胡南溟洪武間任新鄉令時當草創從容區畫如無事而  
邑大治以政最遷

王讓湖廣江陵人洪武初爲新邑主簿撫流移課農桑修廢墾陞政行化洽民德之祀名宦

李驥字尙德郟城舉人洪武間授戶科給事中坐事免建文時薦起新鄉知縣招流亡給以農具復業者數千人內艱去官民相率奏留者數四不許服闋改知東安擢刑部郎中歷御史授河南知府

曹睿山東兗州人洪武間任新鄉令祀名宦

項如英浙江仙居人洪武初除知濬愷悌愛人政修事舉入名宦

姜彬字公直濬縣人洪武初舉明經爲本縣學訓導九年

課最陞興國州知州又五年朝京朝廷優其老賜宴賜衣放還鄉里榮之

葉子安溫州人洪武乙卯由國子生選濬學訓導祭酒宋訥先生稱之曰子安之爲教也本于德行之實不外于禮樂射御書數之文可謂善教矣濬人知向學自子安始丁巳召還京

劉紹江西瑞州人洪武庚戌爲延令興學勸農教民開荒地栽種桑棗縣多榆柳荆棘民有爭訟及惰農者罰斫木輸之官以修鬻字教民織紵每戶一口月織布二疋官爲點視紵還不率教者罰之自是地闢事理訟簡政平歷任

三載有循良風焉

張宗海南直隸溧陽縣人秀才洪武四年任封邱縣丞適兵燹之餘民多流移留心招撫不踰年復業者千餘戶自是戶口日增田野日闢陞寧陵知縣入名宦祠

諸宏道浙江金華人以人材進洪武七年令滑時縣治初改凡有創建皆身先之招撫流移優恤窮弱興學勸農激勵風俗至今稱焉後擢監察御史

趙給山東東阿舉人洪武年任延津聰敏公廉詳達民情戶口貧富悉知其詳役賦均平民受其賜

張俊山東益都人洪武末任汲縣爲政精敏能發吏胥奸

卷之二十一  
四百一十  
弊民有怠於農事者躬督課之賦役親驗版籍務得均平  
暇則親詣學校鼓勵生徒既去士民追慕之

李麟字天瑞山西長子人永樂中任輝縣知縣勤政愛人  
知民疾苦雙溪橋久圯往來病涉乃以石爲之復建鐘樓  
興廢舉墜嚴飭條約革吏胥侵漁之弊民得以安

陳傑字彥英江南吳縣人永樂中進士釋褐行人尋遷刑  
科給事中性侃直以言事忤旨改令獲嘉爲政不事苛察  
專持大體更繇征繕稍不急者悉捐之民安俗樂鄉長老  
經歲不涉縣庭邑大治超擢平涼郡守獲民德而祀之

董愷順德府內邱人永樂二年任淇縣知縣宅心仁厚不

尚刑威蒞事公明不狎請託興學勸農均牧平賦以愛  
其民思之立碑建祠入名宦

牛衡直隸海州人永樂中任朐城清慎有爲勒于撫字暮  
年之間民無游惰盜賊屏息置文廟祭器祀名宦

王士廉永樂時知濬縣事十七年濬蝗廉齋戒率僚耆禱  
八蜡廟以失政自責越三日有烏數萬食蝗盡皇太子聞  
而嘉之顧侍臣曰此誠意所格人患無誠耳苟出于誠何  
求而不得乎

熊鏗南昌永樂初除濬庠諭教規嚴密誨人不倦士習不  
變三年盧茂登第邑士中甲科自此始九年諸生共保留



德苑片言 卷二十八  
三百五  
之陞府教授

葉宜字守義，福建南平人。宣德中任知府，政術精敏，振勵有爲，作學宮及郵驛，譙樓煥然，修舉德勝橋，初構木爲之，劄易以石行者，稱便。其諸興廢，舉陞聲績甚著。陞浙江叅政。

許宣，宣德間任新鄉沁水潰決，邑處下游，水深成河，築堤以防，不能捍禦，因請堅築決口，俾由故道。旣蒙俞允，成保障之功。

孫述，順天宛平人。由監生，宣德十年任獲嘉縣丞，廉潔持已，惠澤及人。陞太僕寺寺丞。

已惠澤及人陞太僕寺寺丞  
徐聰山東東平州人進士宣德間以御史謫滑縣令剛明  
有斷吏無敢欺

方正山東高密人由監生宣德間任考城寬刑薄賦守法  
奉公富室無冒免之奸貧民受安寧之惠陞大理寺評事  
吏民懷之入名宦祠

羅經福建上杭人正統初任淇縣知縣行己恭慎臨政勤  
敏敬士愛民九載如一秩滿擢監察御史淇民感德立祠  
祀之入名宦

董英山東齊東人正統初任淇縣知縣剖斷明直賦役均  
平秩滿陞戶部主事淇民思之立祠祀焉入名宦

龍霖漢陽人正統時任濬縣有平政民咸德之事神極語  
禱雨隨至沾足民歡呼曰我侯真龍霖也

王理陝西同州人由進士正統間任考城居已沉靜處事  
敏捷尤長於察民無情者未幾縣境大化歷九載陞刑部  
郎中入名宦祠

楊清字克廉山西平定人正統辛酉舉人授陝州學正天  
順間以薦擢新邑令明敏果斷吏胥不敢舞文新學校課  
農桑聽訟平允罔嘗至空虛每周行廳耗好吏與吏疾  
苦事有害於民者輒默計除之民陰受其惠

卷之六 宋并州府同知

王素字繪之四川洪雅人以鄉舉令潛山移知新鄉縣  
威愛交克誨士不倦及大比入彀者四人素時稱盛德大  
水衝決伐木具舟所全活無算有巨盜近畿殺人亡匿邑而捕  
獲之械至京進六品俸陞階州知州民爲立碑祀名宦

王政順天人景泰間任新鄉祀名宦

李義北直保定人景泰間任新鄉祀名宦

侯麟景泰間任新鄉祀名宦

張拱南直壽州人景泰間任新鄉素性仁慈政尙寬儉人  
有過當笞者但喻以理終不忍鞭筆去後民誣思之祀名

宦

李實直隸豐縣人進士景泰三年為滑令資性鯁介不私  
不諂

薛賢字宗顯直隸和州人由舉人景泰四年任獲嘉令持  
已清慎御下嚴明四載以憂去民思之立祠祀焉

邢表字居正順天支安人由進士天順四年任獲嘉令持  
身廉謹治政公勤陞彰德府知府尋改衛輝府明敏廉慎  
興學勸農謹河防新傳舍救荒弭盜百廢具舉歷任山東  
叅政布政四川巡撫

以讓字遜之山西洪洞人由舉人天順八年任獲嘉諭刻

勵進修勤懇造土秩滿陞陝西高陵知縣

陳安山東武定州人舉人天順六年知滑縣事和易處事  
愛民如子承荒歲後民多疫疾出俸施藥全活甚衆

張咨山東商河人成化中任知府平易近民政務寬厚先  
是郡庠乏科首敦教化督勵生徒日稽月試甄別勸懲自  
是人才輩出科第稱盛後遷運使

王儼字民望湖廣華容人成化中任知府行政寬簡不事  
煩苛興學勸士教化大行一時人才多所造就清稽田土  
侵匿悉釐有利害切於民者汲汲然日興除之循良之政  
遠邇稱焉陞河南叅政去民爲立石歷官總督右都御史

戶部左侍郎

徐昌嘉祥人成化中仕府學教授施教有法集群士之彥者加意訓迪士類翕然科目彬彬視昔爲盛

王文解州舉人成化間任汲縣教諭性嚴毅沉默雖盛暑必衣冠非公事不謁公府有古君子之稱

鄭福字伯祥真定深州人成化己丑由監生任獲嘉令拜命卽單車至縣清慎自持興利除弊三年政清刑平考績居最將遷去獲民懇留遂久任至八年中丞原公撫秦行部至金州見其民凋瘵甚思爲易賢守原嘗撫河南知福德政遂露章薦爲金州守去後邑民追思之爲勒去思碑

吳裕字天宏京衛人成化辛丑進士授獲嘉令爲政務寬

力拯凋敝歲歉民飢亟爲賑濟立條教以善民俗禁喪葬  
無作佛事增新學校誨誘諸生歷任六年擢監察御史陞  
河南提學僉事歷官刑部左侍郎卒贈刑部尙書諡端毅  
所著有執齋文集二十卷

顏頤壽字天和湖廣巴陵人宏治中任淇縣知縣蒞官勤  
慎誠心愛民甚有惠政擢監察御史民感德立祠祀之歷  
官尙書以名宦

劉台巴縣進士宏治時任濬縣能識治體剖決如流郡獄  
多委決焉官至叅政

郭東山掖縣人進士宏治時任濬縣嚴明善鈎距巨奸極



巧無能遁情舉事計定卽行人莫揣摩當煩任劇談笑言之裕如也官至叅政

王憲東平州人進士宏治七年自阜城縣知縣調滑邑嚴毅自持以扶善鋤強緩賦均役爲政去後人立碑頌之擢監察御史累官至兵部尙書總督三邊

刁嶠鄆城人舉人宏治間任滑庠諭力學勤教無間寒暑士子至今稱之

張鳴鳳山東清平縣人進士宏治十七年任滑縣起敝興衰邑事振舉擢順天府推官